

鵝洲世獻輯略下

十四世諱琛忍齋公

泮中旅夜夢見親顏

離家遠客洛城遊風雪飄搖旅館愁閱月親闈違定省夢中寧識嶺途脩

祭權湖陽先生文

嗚呼清涼萬丈高鍾扶輿磅礴之氣洛江千里帶孕堪輿涵泓之精挺生我公
拔出土類夙志聖賢君子之學早遊鶴厓月川之門函丈從容已知趣向之道
立志堅固亦密存養之功陋巷之瓢屢空顏氏之樂不改富貴也爵祿也視若
太虛之浮雲山林焉江湖焉長對古人之芸閣研窮性理既得羣賢之傳親見
羲文允深大易之學知吉凶消長之變達天地鬼神之精闡明圖書作指南於
後學開示樞鑰繼絕軌於前修享八耄德與之高究大業日猶不足誨人不倦
豈但為初學之宗師造道既深抑可謂諸儒之領袖不圖楹夢之告罷奄見奎

星之晦精嗟吾道之失傳慨斯文之誰主宗族飲泣鄉邦與嗟如珠瑣瑣末流
閑閑小智久已遊館益篤樞衣豈意易簣之時虛負憑棺之哭警歎莫接於今
日其將仰誰儀形永閔於重泉於何問業酒一斟而香亦炷敬薦微誠言有盡
而情不窮尚冀歆格

墓碣銘 并序

恭人永嘉權氏 附左

成均進士鵝洲申公之墓

公諱埭字子卿號忍齋上世有版圖判書允濡按廉使祐仍父子顯於麗朝按
廉公父喪廬墓有雙竹異感六世至 贈戶部右侍郎元祿亦以至孝聞事俱
載三綱行實是為公曾祖祖仡 贈左承旨考適道祥雲道察訪天分甚高棄
官閑養妣坡平尹氏庚戌六月十四日生公幼聰穎端嚴篤志好學文藝卓然
早成詞藻在公暇嘗與講論經史歎曰專門名家天下是也

宮嚴毅自持儕流敬服館中數巨擘稱嶺南三某蓋同時有二李公與同諱文
行相次故云朝廷以六行選館儒以公為首華聞益彰公猶欲然自視人以此
多之庚子癸卯存遭內外艱哀毀逾禮制既闋不復應舉閉門恬養種植梅竹
涵淹圖史悠然有終老之志州伯造門致敬卿宰多惜其不見用於世也壬子
九月八日卒享年六十三配安東權氏湖陽處士益昌之女柔婉貞淑甚有婦
道先公兩月卒實七月三日合窆于縣北鷄卯峙後改卜于八智山丙向原有
二男二女男禹錫文錫皆世其文行二女適琴文樸朴文興禹錫三男二女男
長德潤以義模後次德海有子義模器模禮模季德津有子益模貴模二女適
權得泰宋煦文錫三男三女男長德溢有子彥模正模文科次德浩以禮模後
季德洵以正模後三女李英中權惺李厚謙玄孫以下又若干人公沒且百有
餘年而墓道闕顯刻諸孫等將伐石鑿辭以昭示來世屬象靖而銘之銘曰鵝
洲之世以孝著聞天篤降祐子孫振振公踵厥美富有才性嶺稱三某館薦六

行悲纏夢我迹謝公車晤語梅竹酣飲圖書婆娑隱約永矢無改百年鄉里遺風未沫八智之原四尺有宗我銘斯石用詔無窮

宗禎後三甲午十月日韓山李象靖撰

咸昌後人金慶一書

丹邱書院尚德祠上樑文

鄉社有祭古人重宗報之儀藏修以祠後學寓景慕之意矣但推宗于宿德抑將矜式於斯文恭惟虎溪申先生惟孝是源接廉悔堂之胄為賢所獎義理文學之才師門有愛敬之推承罔爺而旅老仕路持辭謝之義對沙西若白軒星夜勤王仰忠誠於當日水山割籍凜直氣於千秋明誠集義之二交修講蠶牛於平素尊攘斥和之章首抗辨熊魚於蒼黃九羣林泉作神仙於平地一命祠祿付浮雲於先天倚歟懶齋申先生學勵為儒才蘊其具通明溫雅生稟異凡之資經術文章成就一家之業謁寒聞旅高足於門庭證愚麗修上項之道義

並英初載橋越之駕是從航海南天忠謹之節始著凡

障與同聖功上聖學疏伸大義於天下下山城第一議論約行四條於海隅即旁隣凡百觀感遭斥於世行將泰然盡瘁之心死而後已足皆本之授受曷不感乎行藏粵若忍齋申先生小學之自家家書即是免髻時語聖訓之隨類類揭蓋將刻肺為銘私淑有說論學有圖造次必於是匡鶴與聞修木與質就正其在斯三其之稱嶺數大儒六行之薦館首華聞縱不售於登庸固無傷於為己竊念丹邱之佳境最為韶州之名區真同白鹿之遺墟清冷窈窕允令青襟之靜會曠遠幽閑惟茲三老之棲遲寔是一堂之倫序昔堂陪侍於函席尚有典型於樞衣藹然其仁家庭見孝友之行養之以德鄉里服忠信之孚斯其實學之內充燦乎英華之外見意遺教之不泯孰無傳誦之懷而達迹之所在舉切想像之感不有明宮俎豆之所詎寓永世羹墻之慕爰誦一區於舊居實取九成之美義伊江山點綴之相似物色增輝矧杖屨遊賞之所於警咳如昨則百年人事之遷就庶今朝不日之經營瞻聆一方佇見高棟之突兀芬苾三哲

永有明德之馨香寧吾黨隆師之誠得遂而已顧雲仍積世之願何幸如之茲
涓吉之辰敢獻升梁之頌

兒郎偉拋梁東鳳峰朝日上晴空平生禮樂周旋地猶有祥輝一氣通

拋梁西鳳山一抹夕煙低小車想得從容日江傷山花盡品題

拋梁南淵泉混混去成潭梧桐天外月輪齋印作中心淨似藍

拋梁北遺墟百載人應識松篁一壑帶寒風依舊蒼蒼歲暮色

拋梁上天為斯文未嘗喪直是性無今古殊由來只在人能養

拋梁下洋洋黃卷盈塵架聖賢言行此中留讀得方知有為者

伏願上樑之後儀形不替風韻長存禮備精種尚洋洋而如在士習餘教當濟

濟而克生蔚為鄉邦之焯光永承君子之遺澤 契家後學豐山柳疇睦

丹邱書院尚德祠奉安文

先先生天資端確庭傳詩禮工飮圖書學曰吾家孝著冲歲充養有節公二

道生私淑鶴厓樞衣旅老沈潛閩洛羽翼韓歐文章早成窮達一體明時遊迹

江湖好緣壁水題名館稱三其行全孝友學造高明晚暮藏修爰契知止閑中

梅竹靜裏衣冠潛修隱求苟及百氏牧伯致敬木老忘形翛然出塵字尹苟達

惜未見用命與時違潛德幽光至今裕後曠慕架篤曷以報塵厥有令規餘干

董澤儒林合議爰就丹邱載度載營粗成齋閣杖屨曾想俎豆允宜筮吉蠲躬

揭妥神位既右溪老亦左懶翁予以配之于二公廟同堂合食奕世彌光陟降

在庭象設有儼一氣膺靈幽明理同神庶樂康顧我歌我其永無教惠我光明

常享祝文

學程十圖道著六行躋配二考一體祇敬

韓山李敦禹

十四世諱弘望孤松公

往在癸亥年先君養病于鷹齋至今十有五年而孤兒又避痘來寓于此
徘徊追慕向之林亭谿谷杖屨所及之地宛然如昨齋房四壁墨跡黢然

雖不可明謹認其手筆之猶存摩挲嗚咽自不能已齋門外有小池先君所嘗修鑿種蓮逍遙之處而今池廢蓮絕反為牛馬所踐踏此亦豈非與人事變遷者歟感舊之餘情見于詩

鷹齋先壙下鯉對昔年前泉裏音容隔人間歲月遷依稀四壁墨埋沒小池蓮敬想餘芬在難禁淚泫然

趨庭兒是昔年身萊舞堂中事已塵最是滿山明月夜幾回揮淚想風神

憶末兒

垂髮雙眉掩斑衣一尺長呼爺常履踵索飯每從傍別我能無恙思渠未暫忘寒天足不襪應逐小兒行

歲時病未省墓悽感述懷

病裏違先墓雲邊望遠岑松楸風雨晴丘壠雪霜侵歲換思深切天寒感益深潸然今夕淚不覺自霑襟

家人告燈油之絕明松堂上男讀書女執工各其職也士女當以勤儉為本因賦以勉之

秋夜曼曼永松明照壁窠長兒濕故學少女執漚麻勤儉汝曹事艱難吾道何華堂蠟炬下豪貴不須誇

次文吉 宗兄韻

欲識同宗義請看譜牒中千孫皆一本情好豈終窮

輓申汝遠 志道

鵝洲殘緒幸綿綿先祖遺風不之賢情以門親相眷戀事關鄉射倚周旋人間存沒嗟今日洞裏逢迎憶昔年匹馬他時桃岸路為誰經過暫停鞭

申君坡卜居於新堤湖邊前年春過其居草堂瀟灑景趣可愛壁上有沈久玉致短律諸人多和之仍次其韻

谷口幽棲地湖邊別有天波澄魚動鏡沙晚鷺依煙樹影侵書榻花香襲酒筵

誰將山澤勝移入畫圖看

暇日乘春興經過小洞天初疑非世界更喜有人煙捲網魚登艇開罇月滿筵
名區知有主慳秘待君傳

墓誌銘 并序

公諱弘望字望久號孤松同副承旨 贈吏曹參判梧峰申公之子參判公嘗
為禮安守因歲饑活數千人得異夢生公幼而神采炯潔才氣豪邁見者稱其
遠器受庭訓甚謹力學為文澆瀆有餘丁卯中進士戊寅薦除 康陵參奉不
赴己卯擢別科初補大學官李相公善求惜其才薦翰院見尼於當路甲申始
除承政院注書應對通敏筆翰優贍 仁廟奇之及由還 賜蠟藥及扇遺老
母蓋異數也丙戌陞典籍即遷兵部郎纔數月擢拜司諫院正言俄遞授禮郎丁
亥又拜正言為親養出判完山府府即叅判公桐鄉也奉板輿至任榮養備盡
為政一循先蹟境內大治及歸府民刻銘于先碑之陰以頌德至庚拜司諫府

持早有李時樸素不廉於官不謹於喪人言喧藉持平李溫發 啓旋被院駁
以去及時樸為都承旨陳疏自明且引先賢為證聞者憤惋公將舉劾同列畏
時樸勢固止之且曰君朝夕且瀛選言此必塞公笑而不聽遂獨 啓曰時樸
疏有曰不廉不謹昔賢亦多被誣所謂被誣者何賢誣賢者亦何人時樸重被
臺彈不杜門省愆敢妄自引喻侮辱先賢請削板 上不允於是諫院駁罷如
李溫公即出城而還未幾竄碧潼家人皆號泣公不少動怡然就寢翌曉辭家
廟比至弘濟院特 命付處兩司請還收 上不許公改路赴平海配所未一
月赦還丙申除蔚山府律已清簡革去弊瘼民立碑寓去思已亥除豐基守先
是邑宰三人連歿官皆曰不祥公言吾不就官無以解妖言遂赴任郡僻無事
以訓士興學為務留數歲棄歸行橐蕭然惟紅梅一盆癸卯授關東幕改授司
藝謝 恩而還後除宗簿正判校等職俱不赴生庚子歿癸丑享年七十四訃
聞 朝廷致賻如禮某月日葬于義城縣下川黑石里已向之原公天性篤孝

歲甲子參判公捐館公哀毀踰制三年不飲酒醬登科以不及於先公在時賀者至輒出涕及遭先夫人喪年既衰猶執喪不懈數省墓不避寒暑朝夕謁家廟忌日齋沐悲慼終身如一日平居無惰慢氣無疾言遠色教子孫必以禮法待親戚鄉隣皆曲有恩意尤恤孤貧履善行噫公之文學足以揚明廷宏器碩德足以贊鴻猷敦薄俗而畢竟為權貴所擠沈淪於冗散郡邑而止宅畔有孤松蒼鬱公嘗取以為號榜其堂曰樂善此可見其平生也申氏系出鵝洲有諱允濡仕高麗版圖判書諱祐有孝行 旌閭官至按廉使曾祖諱應奎 贈工曹參判祖諱夢得 贈左承旨考即梧峰公諱之悌妣貞夫人咸安趙氏 贈判書址之女公娶永川李氏父參判民寅祖觀察使光俊淑人生於簪纓家淑德懿行有古女士風先公而歿葬于同塋子男一人宣教郎漢老女八人柳重河金時任進士李朝銜任世準都爾高權休朴文約縣監朴望之其婿娶密陽朴氏原從功臣仁立女淑人生一男一女男漢傑主簿女李隆逸娶宣成李氏

父珍號市隱堂通訓大夫軍資監主簿西厓門人淑人生一男一女男漢伯宣務郎 贈司僕寺正女李國馨漢老有四男叔範叔篋叔筵叔篋三女生員李李之煜柳聖時李華漢傑有五男叔箴叔箴叔箴叔箴一女朴昌彬漢伯有三男叔箴叔篋叔箴內外曾玄至八百餘人多不能盡錄公之曾孫上舍震龜以李奉事光庭狀請誌相一累辭不獲謹按狀而擬其大者序以銘之銘曰克孝且廉梧峰之嗣雖蹟不渝孤松之翠既豐其有胡嗚其位維身退野維言扶紀曾玄百千寔天攸賜宗丘有藏毋敢傷毀

己未七月日通訓大夫前行司憲府掌令權相一

墓表

府君諱弘望字望久自號孤松鵝洲人高麗按廉使祐版圖判書允濡之子有至行廬墓三年日夜號哭有雙竹生于墓前人以爲孝感事 聞旌閭 賜名其里曰孝子里丹陽郡守希信乃其孫於公爲八代祖也高祖諱翰 贈判決

事曾祖諱應奎 贈工曹參判祖諱夢得 贈左承旨考諱之悛同副承旨
 贈吏曹參判妣貞夫人咸安趙氏郡守銅虎之曾孫刑曹判書址之女萬曆庚
 子五月七日己酉公生丁卯中司馬 朝廷惜其才薦授 康陵參奉己卯登
 文科別試選注書補成均由學諭歷學錄典籍轉正言兵禮曹佐郎出為全州
 判官承旨公曾為判官公又後全州亦異事也入為持平觸權奸未幾而罷拜蔚
 山府使務行德惠邑人思之立石頌之又守豐基郡守三人連死於官以豐基為病邑
 人皆厭避及公拜之家人憂危公曰死生有命况 王命至重惑妖說不就官非道
 理也後郡三載投紱而歸行裝蕭然只有紅梅一盆鶴沙金先生題詩詠歎自
 是無意仕宦拜江原都事成均司藝入謝旋辭除宗簿正承文判校皆不就承
 旨公早無嗣忽夢一神人來告曰積善之家當有貴子天錫汝以桂陽兒名之
 曰望公乃生因以望字名焉有才行為士類所重嘗遊學旅軒張先生門下先
 生稱之曰申某春風和氣發揚乎外又曰申某不墜家聲晚年構

第之側扁之曰樂善取東平王為善最樂義也顧謂不肖曰使吾子孫不欲為
 不善也有詩四絕詠歌其志李孤山惟樟追銘以美之癸丑正月二十二日終
 于樂善堂享年七十四訃聞 朝廷致賻以禮葬于義城縣西黑石里舊基後
 夫人墓下已向原意公生於此葬於此所謂天作而地葬之以昇公者也配淑
 人永川李氏參判民寅之女有一男八女配淑人密陽朴氏宣務原從功臣仁
 立女有一男配淑人宣城李氏通訓大夫珍女有一男二女長男即吾先人宣
 教郎諱漢老李氏出次男宣務郎漢傑朴氏出宣務郎漢伯李氏出前配女幼
 學柳重河金時任生員李朝衡幼學任世準都爾尙權休朴文約縣監朴望之
 后配女李國馨李隆逸先人有四男三女男叔範叔篋叔筵叔篋女李之煜生
 員柳聖時李華漢傑有五男一女男叔篋武科叔簡叔篋叔簡叔篋女朴昌賓
 漢伯有三男一女男叔篋叔篋叔篋女柳後增武科柳重河系子後康生員金
 時任有一女琴義操李朝衡有四男五女男壽民壽仁生員壽筠壽春女李鳳

周安龜石生員權暹鄭泰禧趙是明任世準有三男宇樑宇樞宇柱都爾尚有
三男萬春萬夏萬秋權休有一男三女男又經女金壽萬李良佐生員趙汝益
朴文約有四男四女男潭浦建滄女權斗運李德標成世球金元輝朴望之有
三男世元世亨世貞子孫男女六百餘人公嘗曰竭陰世俗必請於秉筆者而
不無過中之譏殊非顯親之道日後母求於人只記世系歷官以表墓道丁寧
之命昭昭在耳雖欲闡揚幽光恐犯遺戒略叙如右百歲之下必有因此而得
其大槩矣不肖孫叔範謹識

族孫天翮謹書

十五世諱鳳錫自足齋公

次松軒任兄世綱 蝙蝠韻

晝夜殊形縱似神為禽為鼠兩非真世間若有如渠者不問可知是小人

歸家

農歌猶勝管絃聲草屋何如官閣清欣握妻兒還一笑此身底事做浮年

風雨

好雨恒來還作苦和風長動反無功五雨十風何時見天地猶難不失中

偶吟

東峰有意初三日西嶺無情日落照消息盈虛皆定數是非榮辱付長嘯

得酒友

池邊楊柳風清日階上梧桐月白時得酒非難難得友偶然相得更吟詩

先君忌日

朝日省楸去促鞭冒雨歸洋洋如在處哀淚自霑衣

示兒輩

自從人道起於寅父子相傳至我身世世欲令無忝祖莫如敦睦講親親物非
受變難成器人不涉危豈得才莫恨一身多拂亂天將大任苦先來江河納污
能成大山嶽藏林不自多丈夫處心宜若是豈效邱垤與潢波

自警

仰觀俯察無非理一草一花各具天道在吾身吾自遠整襟三復伐柯篇

墓碣銘

拜序

公諱鳳錫字錫汝姓申氏鵝洲人其九世祖高麗按廉使諱祐高祖 贈戶曹
叅議諱元祿以孝俱 旌閭有尸祝之祠曾祖諱心司憲府監察祖諱師道隱
德不仕考諱堅資憲大夫知中樞府事妣貞夫人平山申氏孝誠女進士宗輔
孫也公生以 宗禎卒未歿以甲申墓在縣西蟻谷午向原考妣墓下公幼有
志操自七歲始學每至明君忠臣事必彈臂讀之十有三承親命觀魚梁惟持
一鯉進曰不忍盡物取之其仁性如此 孝廟乙未應 製居魁特 賜第旋
以臺論止賞賜公不以介意嘗有濟世志 顯廟丁巳抗章陳時弊五條又擬
疏言大同法蓋韋布忠愛之誠藹如也性至孝當中樞公疾嚴冬沐浴禱天嘗
奠及遭喪哀毀踰制既殯貞夫人寓二十里女家公每朝必往省日不怠

歲貞夫人又下世公盡禮合塋逐日省墓終三年如一日與兄弟析產自取荒
瘠教子女有義方俾不服華麗少學族叔禾谷公在之門及其卒心喪三年老
亦往與其祭自少勅躬勵行動循禮義聞人喪不御酒肉無故不殺鷄豚手不
折方長之木迅雷雨雖夜必冠服危坐便旋不向日月嘗以自足名其齋作說
以自志可見其平生也配宜人安東金氏鏡之女大司諫係行之后有婦德舉
五男四女長淳次滄次溥次澗次泌以孝友趾其美女任杰朴東稷鄭碩老趙
隆凡內外孫男女幾人銘曰既孝于家欲忠於國於物廣愛在已多足自幼及
老積而為德不違何病百歲餘祿

宗禎甲申後八十五年上元日進士永川李秀泰

十五世諱禹錫芝軒公

行狀

吾家世不壽比正模生獨伯祖府君在世耳追憶當時招呼拊弄宛然如前日

事而歲月侵尋伯祖下世居然四十五年感念今昔曷任愴慕一日堂弟義模等以家傳相托顧正模孤蒙重此惴約其何能收召精魄從事於筆硯問哉祇以家門叙述有非他人之比故不敢辭而略記如左府君諱禹錫字龜瑞鵝洲人始祖版圖判書諱允濡以直道顯子按廉使諱祐以孝感名俱載麗史及三綱錄勝覽等書高祖諱元祿聞道於周慎齋門下亦以至孝 旌門 贈戶曹叅議號悔堂曾祖諱允克述孝悌好善而文 贈左承旨祖諱適道早捷蓮榜遂不事舉選累以齋郎徵不就以丁丙扈從歿 除祥雲郵官旋即乘歸 除健元叅奉肅謝有士林望號虎溪考諱塚中進士行誼文章為世推重妣安東權氏學諭諱宣之孫湖陽處士諱益昌之女柔嘉貞淑女德茂備為婦為母皆可取法以戊寅某月日生府君少敏悟惠和孝友以類與我祖考克述詩禮墳唱箴和入目為難兄弟天性介潔方直見人有非違輒面斥不少貸宗黨咸敬憚之文辭筆翰俱清麗端楷嘗累中鄉解或居魁而輒見屈於禮部知書無不

咨惜而府君等視窮通不少介然也自少有玄晏之癖既老而溫尋深篤中夜起坐恒誦四子韓歐等文以自樂家貧瓶米或罄而靖坐竟日未嘗問有無焉歲乙丑我祖考喪逝府君深以獨行踽踽為悲遂謝去病聲工專意於訓誨子弟不幸以乙亥二月十一日終春秋五十八噫乎清文懿行迄未免沉屈又不享耆耄者天果何心哉府君初娶延安李氏通德郎世美女甚有婦道產二男二女歲戊申歿繼娶星山李氏學生 之女亦賢淑有行產一男歲庚申歿延安李氏葬于后洞巽坐之阡府君及星山李氏連窆于鐵坡向卯之原男長德潤無子以義模為後次德海有三男義模器模禮模亦出後季德漳早歿有二子益模賁模女權得泰宋煦俱有一子側室子一人曰德溶亦早夭無后竊念府君言行之美必多有可述者而即今家長老零落已盡以正模諉聞何能發揮其萬一哉聊記其始終俾雲仍略有所考据而追慕以為乞銘庇後之資爾從孫正模謹狀

十五世諱禮錫百忍堂公

事實

公諱禮錫字敬夫號百忍堂晚悟公孫系禾谷公子宣務郎坡纔免懷失慈育九歲丁父病晝夜侍湯遭憂哭踊如禮具衰經哀號事兄如嚴父成童前已有孝友聲早肄博士家言屢中鄉解而已嘆曰今親不在矣不復就舉幸未拜遂庵權先生于黃江得聞心學之訣又往從金農巖鄭丈巖講磨質疑性度寬厚不立崖岸又眷眷於表賢尚德與仲氏龍巖公創鶴山書院奉祝辭於黃江平生以恨未先夫人衰服五十五歲行追服苟非天性摯孝能如是乎丙戌龍巖公遺孺獨不疑懼入救人以病不染稱之以行義屢登鄉道判章

十六世諱漢老宣教郎公

墓碣銘 并序

府君姓申諱漢老字德儒系出鵬洲十二代祖諱允瑞生高士

諱祐全羅道按廉使至孝廬墓有雙竹之異享涑水書院入我朝諱應奎 恭

陵參奉 贈工曹參判諱夢得 贈左承旨為府君高祖曾祖祖諱之悌承旨

贈吏曹參判號梧峰享藏待書院考諱弘望正言號孤松遊張旅軒門稱第

一人物妣淑人永川李氏參判民寅女監使光俊孫也府君以天啓癸亥正月

十七日生幼聰明穎敏稍長篤志力學為文章燦然有光累魁大小鄉解輒不

利省試忽忽無進就意欲遂廢舉業進白孤松府君府君方飲遽置觴而歎曰

吾年已老竚見汝立揚扶我門戶汝意如此無可為也辛亥丁外艱癸丑丁內

艱居憂累年益厭傷至不復舉丙辰十月九日終于正寢享年五十四葬義城

縣安平石塔後安厝于龜尾新堂向巽原府君天性溫良愷悌制行孝悌姍睦

為本襟懷灑然迥出流俗不以富貴名利為念姨兄李芹谷觀徵屢入銓曹一

不疑其門李公嘉其志操不苟引為娶豐山柳氏龜村后參奉元慶女葬安東

一直星洞後改樹府君墓合窆娶漆谷都氏士人爾尹女葬安平佳道谷俱有

墓誌府君生四男三女男長叔範即吾先人女李之煜生員柳聖時柳氏出也
 次男叔篋叔筵叔篋女李華都氏出也先人生四男貴龜復龜震龜生員秦龜
 女張東棧呂床叔篋生二男三女男聖龜壽龜女成渠鄭遊洛李元祥叔筵有
 四男三女男夏龜禹龜一龜協龜女李建中盧慶運李九龍叔篋有二男一女
 男錫龜五龜女李定遠之煜有一男四女男仁培女鄭萬陽參奉趙是先生員
 趙重圭洪有鳳聖時有三男二女男弘迪邦鉉萬迪女裴行建李起三華有五
 男二女男仁教宜教文教行教言教女權相龍文科申光運內外曾玄以下不
 盡錄銘曰版圖遺蹟輝映汗青按廉孝思感通神明派長以源葉茂由根華緒
 綿綿克昌厥昆梧峰碩德孤峰清操多士景仰鄉邦起慕猗歟我祖繼茲以生
 不祿而安無爵而榮入孝出悌餘事文章清白遺孫詩禮傳家嗟天降割壽未
 克遐崔崔新堂冠履攸藏神劔重會有寧其宮
 係生員震龜

府君墓道表碣歷屢世經紀而恨其未建者元植為首有司人定之

老矣雖此曾甚念之為憂始於今夏就議門城咸殫至誠遂大役事若有不
 偶爾而其追伸未遑者愴憾無窮也顧惟藐爾後承何事之敢言而有抱於
 心不能不略陳此由僭妄之罪知而自抵也
 十一代孫元植
 十六世諱德潤止溪公

挽李舊庵厚謙

白髮朱旌曉色酣胡然泉路戒歸驂萱花春老高堂北鴈影秋高大澤南忍說
 崩城齊國婦堪嗟啼杜魏家男平生種績成何事朝露光陰四十三

祭仲弟浩然文

嗟呼痛哉君之棄我遽爾三年耶三年若是其倏忽耶如割之慟獨行之悲與
 夫平日聯床同業之不可無言者曾於襄事時已為文以抒之到今把筆只有
 老涕河傾又豈忍勞禿穎而困剡藤以為辭也嗟呼痛哉吾賦命奇覺壽遭喪
 威居常有心氣之疾種種發作無節矣自君之沒益忽忽無意於世而數年之

內衰謝益甚頭鬢如雪無一兩莖黑者且阿堵之疾近益添劇恒閉目度了厭
厭若泉下人考吾精神氣力似不久客於浮世若此不已幾何不從君而逝耶
地下塤篪之樂定應不減於人間韓吏部所謂悲不幾時而不悲無窮期者非
斯之謂耶嗟呼痛哉 國家不幸大恤斯存因山之前未行祥禫考之禮經明
有其文故只行奠醑以抒悲哀而除服一節則當在 國葬之後茲構數行文
字兼告此意君其知也耶其無知也耶

附挽詞

參議全州柳升鉉

渭陽來往幾停輪登造門屏荷眷頻款款情談二字缺故汪汪弘度見天真華宗
倚以為家長隱德何曾愧古人身後青氈知有托螟蛉式穀是麒麟

又

義城金世錫

似君風味古猶罕末俗澆漓豈易看少日鄉隣稱謹厚暮年生計任清寒邇來
最恨音容阻此後難逢笑語新泉下應知多故舊世間還勝我形單

又

再從校理金世欽

教養幾人在惟君才且賢律身徵古禮向道守吾玄滯疾何多日厄文正此年
蒙兒靡所泊行路亦潛然

又

金履端

鄉邦景慕悔堂公趾美家聲見是翁志氣羞為今世態言論方覺古人風芝蘭
早歲襟期合雲樹頽齡夢想同存沒遽然成一慟題哀此日淚盈瞳

又

金履模

嶠南中望族忍老之賢孫世誼元來好交情暮云敦七旬際駟過萬事壑蛇奔
式穀螟蛉兒青田後業繁

又

申叔筵

林泉空覺老梧楸白首軒昂好丈夫儉素自持無粉飾惟黃分別不糊模盆歌
纔撤新阡上鈿影旋沉古渡濤先隴即令方有事更誰與人訪良圖

附祭文

堂姪正模

酷哉吾家何幸于天兩祖未耆諸父連捐若無津涯家事誰賴惟時堂叔同仲
 父在名雖二爨視均同室寧畦寧畛孰我孰物有喜與喜有憂同憂相依為命
 前後幾秋閔余兄弟未省所怙母氏低徊免我赴蹈雖則免我孰我教導粗涉
 書史繫公賜也逮余竊科喜極而歎勗以忠孝光我祖先不幸灾青忍言戊申
 賊鋒歛起闔境風靡私情孔悲公義難施纔脫母危因赴京獄歸命 朝廷恭
 俟嚴譴叔於斯時憂念靡泊或對人言汪然涕出天日孔昭譴罰差薄赤羅東
 畔是吾纍地曾未周歲許歸田里感戴洪造拱祝何已杜訟餘暇話悅情戚謂
 陪中几畢此踪跡如何如何家割又毒仲父先背堂叔踵歿無老之痛倏爾當
 前獨立人間俯仰靡緣嗚呼曷歸余懷之悲彼頑而愚獲福如期孔富以昌亦
 克終壽惟此行善曷不胡擬佑既阻鵬路但有螟嗣七旬雖稀仁壽則匱誰不
 惜公在姪則尤卜葬有期靈車載途今宵已曉厚夜無晨過此以後誰極誰因

適有新憂杜門呻伏未效奔走益切恨缺哭有餘悲文不盡情靈如賜臨倘歆
 微誠

十六世諱漢傑三知足堂公

墓碣銘 并序

鵝洲申氏自版圖判書諱允濡剛直重當世子按廉使諱祐潔身濁世至孝
 旌閭為麗季名家入我 朝世有衣冠至同副承旨 贈吏曹叅判諱之悌號
 梧峰有碩德至行正言諱弘望號孤松有清名直節俱重光先烈為世師表是
 於府君為大父父妣淑人永川李氏叅判民寅女監司光俊孫也妣密陽朴氏
 宣武原從功臣天城萬戶諱仁立之女忠武衛司正 贈刑曹叅議諱允濟之
 孫也府君諱漢傑字時重號三知堂年二十以大父壬辰功階宣務郎陞義盈
 庫主簿生以光海戊午卒以 肅廟丁丑葬所居龜尾池內丁向之原其左
 有配宜人南氏其下有長子司果墓又其下有次子叔簞墓皆與其配雙封府

君天性醇謹自為童孺時如成德人有至行善承父母意居喪哀慼盡禮嘗曰
為人子言忠信行篤敬無貽父母羞是職也凡出入動靜必於是復以知分知
足知止之三知額楣而號焉謙謙自牧一世賢士大夫莫不欽嘆不名而號之
鄉之長老常擬生祭於社四方賓客之入洞門者先至府君之廬府君容姿炯
秀襟懷灑落年既老皓髮矐顏欵形清坐見者指為壽考君子也按上舍李公
之煜書曰執事江左第一風流也護軍南公碩齋序曰主簿公持心敬行身謹
不援上不陵下守其素分老而不衰見者悅而聞者艷昆弟稱善人無間言夫
南公性亢平生無許可人又與府君年紀不甚遠乃稱公而有云其見重當世
可見矣宜人南氏望英陽考軍資監參奉諱樞祖中樞府事諱筆忠婉順得婦
道舉五男一女長叔箴武科司果次叔箴叔箴叔箴叔箴叔箴叔箴叔箴叔箴叔箴
峰之孫孤松之子恐忝所生小心敬忌三知揭號百行是似無惡無教令聞不
已特我玄祖世濟其美崇封有石永祚萬禩 己酉二月日玄孫三

十七世諱叔範處士公

墓誌

申氏貫鵝洲者嗜祖高麗按廉使諱祐雙竹著異揭蹟圖史自是逮我 朝簪
組相望有諱之悌號梧峰官承旨 贈參判為府君曾祖有諱弘望號孤松官
正言為府君祖諱漢老宣教郎為府君考妣豐山柳氏參奉諱元慶女府君以
仁祖戊子閏三月日生 肅宗癸巳十二月日歿葬義城西寺洞丙向原與
孺人金氏同穴其階下蓋有子生員墓孫道濟墓以次繼葬府君諱某字某生
而天稟重厚家訓有方孝友勤儉忠信剛嚴生甫十五丁內艱二十九丁外艱
哀毀踰制事繼母都氏盡誠無憾撫育諸弟無間言都氏疾就截兒裾蒼黃瀉
藥兒大啼走不顧為諸弟擇師築室居之使之講授奉先祀克致誠敬忌祀茶
祀齋沐將事不以衰病或懈冬至服黑團領率子弟行祀好施與不計家之有
無妹婿遠調脯巨糖齎送助饌又送奴造鞋資糊口恤親族窮匱婚姻喪葬竭

力辦助資族子宿眷具奴騎千里應舉得高族兄有以其亡奴田來賣既買而
奴有子來推笑而許之族兄乃欲割土償之責之謂族親不當然遂相對大其
券有庶從弟畜婢生子謂不忍奴骨肉不一錢許贖從良外親有以非理推還
田人許之無難色沒身不一言輪蹄滿門欣然迎送齋資或親檢饋其奴凶年
饑歲待別穀待丐兒穀盡繼充之家或置之無悔歲貯墨數千丁寄族親賓友
殆盡甫甃適隣舍有客服衰臨珍羞以雉脚遺之辭以祖父有訓不食肉有喪
之側晚遊京城辭銓官勸留注擬以鄉人代薦請爵入場圍知主司覓已不親
呈券勸子弟課學不怠為先墓刻石表隧爰逮三世肇拓門閭初起傑宇永肇
基業為外氏涕泣乞哀立嗣功存內外業著重恢子孫得以莫居宗祀賴延無
窮欲報之德雖虔享百世無射而宗胄繼殞時代迭促行將遷主出廟豈不悲
哉孺人金氏系出義城考諱燮宣教郎祖諱是樞經歷曾祖諱渠洗馬鶴峰先
生玄孫女也生丙戌歿乙巳閨範夙著獲配君子敬於夫堂原於祥里某年

婉而莊有女史風馬生四男二女男長貴龜次復龜次震龜生員即繼葬塔下
者也次泰龜通德郎女長適張東棧無后次適呂床貴龜三男四女男道三生
員道九道萬即吾先人女權灝柳聖宗無后柳在春生員鄭履寅生員復龜一
男三女男道天女孫雲述李熙采全益濟震龜三男三女男長即道濟早歿道
海道河女姜日復李桂臣張命穆泰龜二男一女男道通道巨女權大升呂床
一女李鴻臣嗣子齊璜餘未盡錄體仁以渺然末孫未得承顏逮事潛德幽光
欲述無因只據從祖生員公所撰行錄一通謹序次之如右繼以銘銘曰按廉
之後梧松繼起傳及令胄德茂功懿承前裕後澤流支宗調隣恤族義急濟窮
科宦若浼苟求非心分必是謹禮容欽欽賢配同兆幽宅允藏從子若孫永寧
無疆

歲己酉孟春曾孫體仁

十七世諱義模仁智齋公

祭李君景復禮模文

陽州世系各下

處士公十七世

仁智齋公

十七

君何捨我而至於此君之生在於辛卯之歲而容貌岐嶷為父母之所鍾愛與
 在壬寅之秋遭家不造遽罹風樹之痛于時吾年二十有五仲弟年十八而君
 則纔十二矣兄弟三人更相為命奉養母氏余時或捫君之腹撫君之頂恤其
 寒飢望其成立余奉宗祀家務浩繁雖不得刻其課讀其撫愛之情期待之心
 固不淺也及年長有室之後君出系堂叔後外居於召文考槃洞其間相距
 十里許矣雖不能日日相從而或間一日入來或間二日入來慰悅偏母之餘
 子以填唱而箎和盡其孔懷之情于斯時也何幸偏母在堂兄弟無故從兄弟
 及再從兄弟亦且團會一堂樂其天倫之叙人家喜慶孰加於是壬戌冬禍延
 先妣其後十年之間堂庶昆弟大半淪落其於景謙益模偏酷其零存人世者
 吾與君及華國君用器模才四人而已宜其嗇於諸從者豐於吾四人者而君
 以威壯之年奄棄斯世而溘然而逝乎今春潛遭之疾到處熾蔓乾淨無期四
 弟蒼黃出去或內或外審症用藥而不見分效遽至於此觸冒禍炎歛以薄板

及其乾淨之後改棺而成其服擇地而營其葬葬地則定於鷹峰先塋不遠之
 地乃堂叔入葬之穴下也地下之樂不減人間則不昧者魂想必相從於冥冥
 之中矣人孰不有兄弟而君之愛我念我殊異乎他人之為兄為弟者吾嘗嬰
 青而翫塵則君必助之以厨之供吾嘗臨事而果決則君必規之以寬緩雖家
 在十里許地而往來頻頻未嘗少懈從容乎一席湛樂乎半世或課黷脚農桑
 之務或警幼少惰慢之習數年以來非獨君家形勢漸至豐稔此處兄弟亦頗
 有賴其孝友之行幹辦之才茲假之以年任以盤錯則其所獻畫豈止於化一
 家範一鄉而已也君之長兒纒纒其容季兒呱呱其聲兩女大痛之後尚未蘇
 完而時時喚爺於寢室之中則凡在親知尚且哽噎矧余之情乎吾之精神氣
 力似不能支吾而又彼此使喚散亡殆盡遠路營葬未由經紀其於大小諸節
 皆身自擔當每晨出夜歸以之抱寒暑觸風雨歔喘喝寢食俱廢姑不足恤

而君家形勢使我心悔孤兒弱子欲留之在此則祈寒感暑老人之往來看護
極難欲率歸故土則亦非容易百爾所思不得其便此則從容思量亦何縷縷
耶

祭再從兄二恥齋正模文

惟公重厚其德溫恭之容孝友稟於天資文章得之經學妙齡騫翥夙蜚英於
登龍中歲藏名暫屈跡於五馬妖氛搶攘忍說戊申之年 恩譴存仍遂有南
北之竄蓋其時運之不幸是以命道之多舛太行孤雲幾灑思親之淚夜郎秋
月都勤戀 國之忱寂彩雁於雲間誰憐惠飯之久契賦鵬身於斜日堪悲賈
生之不還奚但親戚之含哀抑亦遠近之相吊新阡突兀已矣雅操清標故宅
荒涼惟有老兄弱息於乎一生承誨尚冀疑難之必質十載阻濶豈意幽明之
遽分臨佳城而遐思况若覲德嗟九原之難作無處承顏拙語蕪詞豈余悲之
不淺辨香車酌惟尊靈之庶歎

附祭文

再從姪元烈

嗟哉我公胡至於斯也門戶不造耶子弟無祿耶何壽之不長也何福之不厚
也稟德之剛明莫我公比也而壽不滿其德心性之仁厚莫我公若也而福不
稱其仁何以寄報悲哉痛哉因念我公承我高祖考忍齋舊宅凡所以奉先之
事承重之道靡所不用其誠大為門族之所可觀尤致力於持身謹行位于家
不忝孝悌家聲處于鄉克遵勁正古規周詳禮法有合於時需之資宏深翰墨
有益於衆口之稱蓋其好賢之心接賓之誠恤窮之義撫孤之政出自天稟不
事作為憂人之憂樂人之樂尊卑咸得物我無間此足以盡道於人食報於天
而夷考平生未有好事為善六十年卒悔養立樊老而終焉何哉死生寄歸之
理公所無憾而祇恨一去不返冥然漠然竟使偕老叔母而永舍失侶之悲聯
袂一第而長抱獨行之悲二子藥藥而不顧宗事汲汲而不護諸姪之孤露矜
孺而無所仰賴而亦不眷戀是豈公孝悌慈義之本心有衰於曩日哉將化兒

者主張其來去使我公不能容力於其間而然歟然則公之死雖無憾於全歸而反顧在世之後死者孰不涕洟而嗟惜也矧如姪者尤有所倍萬痛悼者焉昔者先君子之從宦而顛沛也我公實憂之對人涕汪汪及厥招魂而返也公益痛之竭誠營庇視同己事尤憇憐我不肖等兄弟撫存期待之情實無間於親叔姪不肖等亦感之自謂如斯陪奉過了百年矣今焉已矣更何所仰恃而為生也嗚呼日月有制卽遠隔晨過此夜則長夜此夜易曉長夜不晨茫茫斯世更何處而陪覲也恢廓氣宇邈難接矣俊偉言論已無聆矣嗟嗟我懷將柰之何一言哭訣萬古長辭靈其有知而歆臨耶抑亦一任其冥漠也耶

十七世諱正模二恥齋公

八智齋舍記

五老為吾縣巨鎮其一支西北走而為八智山山形不甚高大而窈窕環擁自成一區其向乾一麓有三塋卽我七代祖處士府君及六代祖悔堂府君衣冠

之藏也吾申世以文學行義以傳家至我悔堂府君益紹述前美張大家聲蓋天得之孝不待勉強踐履之學自有淵源自 上既為旌閭贈爵又錄于三綱行實與始祖按廉公芳蹟異世并傳至今鄉後慕其風聲建院以祀之其德之入人也可謂深矣繼又遠近士林相與議以為不遷之主故營別廟于墓下而安之屬五代祖承首府君高祖叅奉府君以次遷于長房遂拜祠其左以祭十有餘年顧廟宇既成齋屋未備今年春遂決意經始吾再從叔幹其事凡為屋七間中二間為堂東西各二間為房兩房之南一間為祭器庫一間為厨舍前面續擬建立四五間為儲置祭穀之地而力薄未及也從叔夙夜監董不懈益勤凡七閱月而工告訖以今十月之二十九日大會一門之老少而落之會員幾四五十人酒數行諸父兄合辭命正模曰以吾門營是役幸而有成此盛事也爾其記之正模不敢辭遂作而言曰惟我悔堂府君孝友德行得於心充於身達于鄉黨而聞于朝廷其所以立家範衍後祉者初非有所為而為之也

承旨府君又能篤守家訓無忝世德其持身待人之時藹然有君子之風而積善餘慶得發於高祖三昆季府君并得蓮桂存歷華顯即今雲仍雖不免殘敗而若數嶺下名家則吾申亦在其中斯其非仁者必有後之驗也耶然則子孫之致齊於斯而行祭於斯者傷可不適追我先祖之孝友德行而思所以善繼善述焉爾乎如或不孝不悌敗德蔑行罔率先祖之訓反貽先祖之羞則我先祖豈肯曰余有後其肯曰爾能業其家乎敢請族中僉員以前所稱者相勉以後所稱者相戒既有適追之美而猶以不率為懼用是而飭厥躬用是而貽厥子孫則孝友家聲何患不紹述而吾申一門其庶幾永久無替哉

六世孫縣監正模

十八世諱復龜雙碧堂公

雙碧堂記

昔我仲兄子種雙梧為庭實扁其堂曰雙碧夫植物之可愛者其善而若竹也

梅之屬君子必取之者誠以清香之冠凡卉我兄愛雙碧而名其堂者獨奚哉是物也含天地之和吸日月之光其色溫而澤其性勁而直春夏而其葉婀娜秋冬而其枝扶疎亭亭碧幹偃蹇雙立望之若不可屈即之若不可拔則其高標奇格見列於君子之林固也我兄盤桓撫摩暗托襟期依然欣然若有情於相遇則取而名堂之義不其然乎嗟夫我兄既沒雙碧自枯草堂荒涼無復舊日顏色無知微物亦能隨人而存亡耶獨其雙碧之號留揭壁上遂愴然而為之記以寓孔懷之情云

十八世諱震龜竹厓公

墓誌略

公以 肅廟庚申九月十六日生幼聰明強記才思穎發長益刻苦勵學日有聲儕友間為文詞軟雅敏妙適用不滯筆札燁然令人奪目嘗受學于護軍南公碩齋背誦經史無礙逮遊甥館做賦義策操筆立就未嘗苦吟沉思外舅博

士南公嗟賞不已言論堂堂與人論事當否得失辨成敗利害崢嶸發鋒穎
 凜凜見少不可輒面折之如摧枯拉朽不少饒儕類憚之做事勇進擔當不後
 巡顧疑斷斷力主大義斬釘截鐵無少回互雖終落魄不遇沒身草野未能少
 施當世然居在鄉曲隨事效志凡係家鄉民國日用大小大事無不隨分致力
 焦竭心思必竣結乃已多焯然可稱庚寅中生員遊國庠業明經學所與交皆
 一時才俊癸巳在穎齋聞處士府君喪千里奔赴邁癘中途幾不能救庚子遭
 國恤率一洞衣冠為位野外哭之涕淚雙下縱橫覆面露襟見者異之戊申
 春叅別試鄉解赴京城中途聞逆變俸起還抵稷山縣縣宰全公姻友也未及
 聞賊報見公歡笑出迎公不暇出一言即語以變全公書生也倉卒惶懼固知
 容措公乃畫贊方略鳴笳聚卒守城報營俄有一郵官被賊掠逃來投本衙公
 據義論責以不可離所司郵官慙謝即還公既歸乃糾率一門親族首事倡義
 與鄉人同志相應欲必赴矢石一死聞賊伏誅乃罷丙辰嶺儒斥兩未從享聖

庶推公為疏首疏未登 聞自是年光向晚時命蹉跎卷懷林野絕望當世乃
 於居第之傍築小窩種竹繞階扁之曰竹厓精舍因為號日治文攷書其中
 冬夏聚隣族子弟勸課不輟掌一鄉學校文獻修繕倡勵不以為勞刊先祖兩
 世文集廣鋪傳後為先考先祖考撰銘碣行錄爰及徇祖無遺伯氏喪畢胄孫
 年尚少懼宗業或替乃會同堂諸族令胄孫執筆并籍前世土田臧獲成約辭
 載之共署名其下謂或斥放分割諸族當告廟楫宗子作鐵券藏宗櫃若此類
 不能盡記公以甲戌二月十七日歿享年七十五所自採錄編著有家乘奔喪
 日記羣書彙覽等書遺稿若干篇藏在本家宜人南氏系出宜寧考諱圖翼即
 博士公祖諱虛承肯外祖縣監諱允協漢陰李文翼公後也宜人以甲子正月
 十六日生年甫十五歸公儀容清婉德性和厚偕老五十餘年始終無違行癸
 未十二月一日歿而祔有三子道濟道海道河三女適姜日復李桂臣張命穆
 辭曰嗚呼使公得早置之館閣臺省少售其風稜之峻言論之正足以鶚立朝

端斥邪討不軌振肅綱紀扶尊大義為殿上虎鐵面御史無疑矣雖然卒不踐
嶺海之險而得保我家族考終先廬者未必不由其沒身坎坷矢志窮居謂公
幸歟不幸歟羽谷之原松檜鬱蒼庶終挈妻子從父母更千百歲以徜徉

從孫體仁

十八世諱夏龜湖翁公

枕流軒記

嘗讀善州志冷山在府東山之一枝東南行分而為別壑曰蒲林小溪循山而
鳴匯而成潭潭上有石盤陀可坐數十人府人文氏構軒以俯之仍取孫興公
賦中語扁以枕流是軒也環者皆山也山之外大陸十里使筆冠蓋之行相屬
於途而纔轉一山天地自別不知其外有車塵馬跡軒畔荒店蕭疎又有兩三
村落分占山麓每見林木間炊煙乍籠桃寺遠鍾隱隱而至此乃軒之大致也
揚州申君禹瑞捐累千金贖而居之庚子冬禹瑞過我橫溪之社叙寒溫畢輒

媿媿曰吾軒不落莫矣向之知名士如金承宣至和令公亦有所詠于其記之
噫若余山水客也年既老大他無所長惟煙霞素癖去而益痼意者禹瑞之託
無乃知其友之有此癖而戲之者歟禹瑞實梧峰公之孫也其故家餘畝猶有
存者豈無良田廣宅可以樂志如仲長統所論哉又况世所稱舟川距此軒不
遠爾其地濱大江漁市之所聚也海舶之所趨也好事者往來謀卜之不暇而
禹瑞乃獨不安於故土不拘於常態超然放屏於寂歷之中其志果安在哉末
俗喧逐舜躋難分將禹瑞厭薄而不欲聞邪抑山之靜近仁水之動近智禹瑞
其亦有契於斯而樂之者耶我非禹瑞安知禹瑞之心禹瑞非我安知我之不
知禹瑞之心乎且余竊有所介然者頃年吾亦問舍於舟川矣舟川人皆誦斯
軒之勝余聞而寤寐者久矣今反為禹瑞所奪名區得失亦有數存歟雖然始
則文氏初是軒而其終也禹瑞有焉溪山真是公物孰為其主孰為其賓異時
吾且携家室伴鷄犬欲為西度計一軒之內禹瑞當自主之軒之外之佳山好

水明月清風本無定價又無常主禹瑞雖欲私之得子遂笑而為之記

烏川鄭萬陽

十八世諱東烈處士公

祭伯兄宗烈文

嗚呼吾家自忍齋府君以來孝友家政文學世業固無愧為南州法家而先考及祖曾祖府君俱以可施之德有志之學惟不免林泉之晦近而為知者之嗟惜遠而為來昆之深恨則古人所謂積德百年始發於吾者正在我兄之躬而終亦六旬積力一任蹉跌者果又何意於天哉嗟呼悲哉才器如我兄志尚如我兄釋理而無不明如我兄制事而無不當如我兄者亦莫何於天而終到於今日也矧以余材不及志未逮而昧於理而愚於事者豈可以區區詞章之技硯墨之故萬一有述於先世之德賢兄之業而得而暢大而光著之哉嗚呼宗事無可託之人先業無可寄之地而嗟嗟我兄將孰傳孰持而終到於今日也

因念平日勉諭之意懲責之事匪不銘誦於胸中而追于先而慮于後萬無大虞起樛之策徒有孤棹泛海之懼奈何奈何自兄之棄余每中夜以思許多眼前事無非可憂可悲而惟悔堂集刊之重而尚爾未定忍齋稿勘鍊之營之未就者我兄九原之心想亦炳炳於此則顧此愚而未死者亦何所罄力而殫誠以效夫我兄存沒無間底意也耶此惟大略也今日之可言者宜不止此而哀而不能定情悲而不敢作文只以數言告之兄其知耶其不知耶

十八世諱聖龜東舉公

東舉雜詠序

昔余居池內村歲已未移居于池外東舉之上是居也前臨大野後聳高山基地傾危石逕崎嶇升降之若行步之艱雖非生居之所而山勢環圍別作一局政宜靜養幽居之地也家之斜廊有小樓名曰安心軒軒之左有別堂名曰養拙堂堂之前數步許依小舉築石為臺登臨則可以望十里名曰達觀臺臺之

越邊有層巖特峙儼若虎距至於霜落湖山秋深溪壑登斯巖也則皓月轉上
萬壑呈輝魂清骨冷興復不淺以玩月名巖者此也巖之傍有老榆古檟翁蔚
林立綠陰雲影婆娑徘徊至若雲峰轟熱火傘張空坐斯亭也則風送微涼爽
若三秋浩然長吟不覺下遲以樹雲名亭者此也意晚而移家爰得我所不欲
見清漪之風色不欲聞紛紛之時報只願種田得粟採山得薪養我疎拙安我
心界逍遙於玩月之巖頭緩步於達觀之臺上以終我下山之餘日惜乎天餉
未遂宿計歸虛一區山庄竟不自保昔之幽居之室今反為公舍堂宇制度幻
壤時之貌樣臺巖物色依昔日而猶存老夫留世目見時事之變遷可勝歎哉
破筍中有東學五絕詩實閑居所漫吟者茲以手寫廢曆目之曰東學雜詠惟
我永歸之後為吾子孫者其將有感於斯作矣歲黃兔陽月下澣東學老人叙

墓碣銘并序

東學申公諱聖龜字大叟鵝洲氏高麗版圖判書諱允濡有直節其子按廉使

諱祐有至孝俱為顯祖九傳至 國朝諱之悌文承旨 贈吏叅號梧峰諱弘
望文正言號孤松諱漢老宣教郎是為公祖曾高也考諱叔籃妣豐川任氏憲
女 肅廟庚午公生學問精邃造詣高遠始赴舉不中見士子波奔選取有舛
長歎而歸遂不復應舉專攻宋儒性理學孝友家政之外無所求家貧如洗而
不改其志 英廟戊申逆亂起乃與從兄竹厓公首先倡義多致贊畫之功而
不見賞人深惜之公曰國家有亂為臣用力常也安望有賞哉子姪有過不少
假貸而責說必諭解和氣藹然若寒後春暘在下者皆悅服晚年移居東學仍
以為號徜徉林泉親朋至輒把酒我詩以遣懷世間榮辱都不管焉乙酉卒葬
鳳陽院首末坐原前配晉山姜氏再望女有男道活道潑女婚鄭游和後配英
陽南氏衡俊女有男道洙女婚趙相純李安道道活男樂仁道潑男種仁道洙
男利仁樂仁男俊虎生員號清宙種仁男鼎周大儒號陶窩利仁男鼎殷餘不
錄於子見公廢舉攻學專於修齊有若渾然忘世及至 國有大變首先倡義

委身赴闕功既成矣不知不愠何其偉哉後再戊申 正廟命搜列邑義蹟使
之刊布實錄而遷延未就 高宗甲戌嶺之士林始克成編名曰戊申倡義錄
洛坡柳先生序其事甚悉縱無表出蒙褒使會盟諸賢芳名義蹟著於百世可
謂大褒之矣八世孫萬洙光洛氏袖清宙公所述遺事請銘隧道且曰九世孫
相詰獨出珉石余固不文而感慈孫之固懇特誠敢不辭而為銘曰良驥登途
未遇伯樂爰脫公車載伏林壑無意浮榮專求天爵 宗社有危奮身而作鼓
起忠肝其徒勇躍有功無寢公則自若 正廟垂綸嶺儒奉 託烈錄忠勲其
光灼爍此石寧磨其光不鑠餘澤彌長裕後綽綽

契家後生永川李泰能謹撰

十九世諱道三獨慎堂公

獨慎堂記

夫世之人絲其身較其腹苟有餘力則必擇爽塏之墟幽靜之區為之築堂
而處焉以偃以息以燕以嬉而其為樂則有不同者若夫曼聲宜於耳豐色宜
於目飲食之甘宜於口起居之適宜於四體錦障金埒侈麗是尚者此富貴之
家得志當世者之樂也至於圖書滿室花竹滿庭枕清風於北牖席明月於南
榮竹杖芒屨優遊自適此山林之士隱遯忘世者之樂也或琴瑟而樂焉或詩
酒而樂焉或朋友笑譚而樂焉人情大抵不出此數者而惟聞韶申公則不然
公世居聞韶之龜尾村村之右山麓坡陀背兌面震有泉一眼色味清冽有松
一株偃蓋扶疎乃一日杖履逍遙於其上顧而樂之曰此可廬也遂芟其蒼蘆
其穢剗其高補其缺構屋十數楹以白茅覆之顏其堂曰獨慎貽書不佞命為
之記曰山居幽閑巷口深邃人所不知而已獨樂之然樂其獨樂而不知所以
自慎則幽獨隱微之中非心或肆焉卒不免自欺欺人之歸名吾堂以獨慎蓋
不獨獨樂而將有以慎其獨也嗚呼慎獨之義昉於曾思兩夫子而有宋諸賢
繹而演之推而極於上達天德公能有意乎慎獨以至於必自慎而毋自欺則

雖絲是心廣體胖可也雖絲是仰不愧於天俯不忤於人可也夫然後可謂君子之樂其視富貴之樂為何如而山林之樂亦有所不足言也至於琴棋也詩酒也朋友也亦或隨遇而樂而其發也中節不失其正其亦異夫世俗之流蕩忘返者矣蓋慎者樂之本也樂者慎之效也此不佞之所以敬服公之慎獨而薰沐下一轉語未知公亦領乎否至若山川之勝風月之美不佞尚未及登公之堂不敢臆為之說丙辰季春宣城金履萬記

十九世諱道天亭亭亭公

附題亭亭亭詩

李象靖

池倚梧竹兩亭亭瀟灑中間又一亭三字筆題十箇景百年無事倚斯亭

十九世諱昌道竹隱公

竹隱精舍記

客有指余而言曰聞子有竹隱精舍至則竹林誠是也其居場屋耳之至耳

朱夫子為竹林精舍於是而講其道天下之士慕而學焉子以渺渺末學擬以為號不亦謬乎余曰吾亦慕朱夫子者也想其道德之容於千有餘年之下而顧無所寓慕焉今是竹也與夫子竹林之竹同一青青亭亭余處此竹林之間若將搢衣於夫子之門而講磨於斯游泳於斯則竹隱以名吾舍者實所以寓慕於竹也豈止為竹其竹而已哉然吾未嘗有求於竹者也始余家三火而無以為居晚乃築室于先齋之下是墟也嘗為農圃之所耕且鋤而竹無有也故老亦無傳焉築宅之越明年夏竹忽生于宅之西畔如天墜地出其年而已成林又明年南亦如之又明年北亦如之凡四年而鬱然為一區竹林自外視之不知人之宅其中也然則隱我者竹非我隱於竹也號以竹隱主之者竹耳號亦何有於我哉意竹固無心我始無求於竹而其邂逅相遇於洞畔煙墟之間不翅若相期共待人至而竹亦至焉是遇也誠不偶爾喜其遇所不可遇者為詩近體一首以識之於是詩以竹有聲和之者空然而集揭諸壁而壁將盈也

凡我起居夢寐吟我徜徉者不離乎疎影綠陰之下悠然自樂煦然相孚有時
乎吾亦忘吾焉以是人曰竹主人余又何辭焉客曰願聞精舍之勝余曰
無所勝無已則有一二焉有山北來東西腋分圓其中而為之宅焉東有小溪
與山俱下遇雨則有聲西有大石林立平可坐五六人高可登臨飛鳥皆視其
背南有石隆然而伏若具頭尾形如龍長可七八赤龍之左有二小巖亦可坐
其上精舍土室三間竹幾挺書幾卷其琴六絃其花勝金黃紅桃杖一青藜杖
一菊盆一畫四幅其一畫吾者也他無可紀焉客笑曰是真精舍乎余亦笑既
而客歸遂述其答問為竹隱精舍記云赤兒孟夏既望主人書

二十世諱重仁龜洞公

墓表

聞韶治之西南四十里億谷之板溪水之上有墓臨脩路負乾向巽東南望板
反谷口是吾堂元諱重仁字君仁幽宅也吾元以 肅宗辛丑四月日生 英

宗己巳十二月日歿享年二十九年少而行高無位而有學歿之日親友相弔
謂斯文不幸及葬奠而誅者甚衆使後之過是墓者若知其賢而無命有志行
可惜乃或有躑躅興悲駐馬不忍行者矣嗚呼元之天稟豪邁氣象清俊自在
童幼時始驍勇不羈能手捕飛鳥超越林屋旣冠忽折節韜鋒歛鏑儼然為端
士鳴舉鄭令一見許以畏友從剛窩任處士游讀朱子退溪先生書篤踐力行
每日晨起盥漱飭衣帶入見父母祖父母退而整襟危坐研究經旨事繼祖母
極其誠敬有王祥之行事諸父諸母如所生居喪盡禮三年不見夫人之面雖
蔬果不食美味冬不溫處夏不涼處始終不懈奉先待賓友夔夔齊慄惟恐或
愆處宗鄙恭謹仁愛誠意藹然攷究禮家語行之各有据依教授髻齒誦盈
室喜吟詩韻響清絕往往若逼唐宋風雅好遊佳山水過泉石名區輒登眺歌
詠移日清夜日朗携童冠臨溪濯足徜徉詠歸或鼓琴誦詩唱歌以散幽鬱書
疏夙成辭理俱到日用無碍筆畫枅斲勁自成一體居第之北竹林蕭疎七

松臨溪流足以置小屋看書每携我扶杖逍遙欲待時築壇結廬名其壇曰雙
節屢言不一言尚焯焯在耳又嘗愛沙阜谷裏溪石淙淨欲我共跨巖結小亭
居之爲詩若序略述其志亦足以見平日雅尚高致也體仁少與兄同遊處一
室生年間十歲相上下顧相許若知己或聯床讀書或對榻論文賦詩歲已巳
仲冬兄帶季姑適金陵體仁送行至門兄臨發出示其前夜所賦近體詩一首
屬檢教幼子勿間課遂鞭馬出洞以行不一月客没于尚之中山訃至族親鄰
里爲之痛哭相吊齊聲奔走以其喪還越明年四月日葬顧兄之生未滿三十
而行義文學已蔚然可稱若又假之以年卒究大業其成就固不止此而風燭
奄滅百夫難贖嗚呼豈非天耶兄姓申氏系出鵝洲有諱祐高麗按廉使爲兄
遠祖諱之悌承旨 贈吏曹叅判爲六世祖諱弘望正言爲五世祖正言生宣
教郎諱漢老宣教生諱叔範爲高曾祖祖諱資龜考諱道三成均生員妣宣城
金氏諱享萬女享萬以司諫諱兌一子爲兄承旨諱海一后兄娶長水黃氏故

相國龐村喜之後考諱道重妣延安李氏生戊戌没乙巳聰明識事理誦古今
有士君子風老境自奉無異青孀口不美味身不安著常勸二子以受學于大
山先生曰此汝先意云云附葬兄墓前有二男二女男長鼎沃兄没時年九歲
次鼎五兄没未返喪而生女長適李有慶次適洪氏無后鼎沃以年四十三殀
有一子未冠一女姜長欽鼎五有子女皆幼方攝宗祀李有慶三女柳翹文安
會應權日東鼎沃以兄遺命從余學焉異有才行嘗泣而言曰吾父不幸無命
志行湮晦恐久益難記願爲之一言以詔後體仁悲其意爲之相對興嗚未忍
下筆因循屢歲含意未遂今沃又死矣吾亦朝夕垂死其忍終默無言以負其
意遂略述兄平日志行萬一以遺鼎五使之表諸墓道以圖其不朽使沃也有
知將少抒其遺恨矣意亦悲矣 歲辛亥月終辜堂弟體仁謹撰

二十世諱體仁晦屏公

惜黃花

麟家少婢子來請黃花摘老夫惜黃花不肯許人摘少婢大異之謂惜不當惜爾輩何以知黃花真可惜

遺事

公諱體仁字子長號晦屏 英宗七年辛亥四月二十五日丑時生于龜尾里第先府君處士公夢有異人遺紅珠一枚曰此鳳鳥所啣來者君其藏之已而夢覺先生乃生幼而聰悟絕倫於文字一過眼輒不忘從叔祖竹厓公奇之曰此兒必能光大吾門戶也嘗與羣兒遊戲忽聞隣家讀書聲欣然往聽日暮不還家人窮搜招來問曰不食終日得無飢乎對曰聽人讀書自不飢也聞者莫不異之及長篤志力學不待課督最愛讀韓子文作韓子文賦兀坐冷室夜不就枕者凡再更冬時值大雪睡至則踏白以待醒或懸髮沃面習以為常嘗讀古文尚書于比屋之花藏菴亦用此法其勤苦不輟如此苟治舉子業鄉解屢居前列輒不利於省試先生不以得失介意戊午母夫人早世先生時年八

歲孺慕不已見林鳥反哺即吟曰可憐枝上鳥知母不知父有小妹最幼先生惻恤愛護曲盡情意及嫁歸作詩一篇以述別離之思足令人掩涕從父兄處士公長先生十歲先生事之如同氣未嘗暫離己巳處士公慘逝先生傷慟切至收拾遺文教其諸孤竟至成就庚午聘夫人柳氏出入甥館儕友咸推以先進外舅柳公與人書曰吾得麟兒為壻幸未看小學書忽有感發之意作詩曰平生愧自棄放曠憚檢律今來尚有為對此忘寒熱丙子丁先府君憂時變出忌疾舉家危遑而先生易戚俱至撫養諸弟妹有人不及盡知者仲姊氏歸湖上先生源源省候至老不廢晚拙翁李公稱之曰某篤友者也童子時從剛窩任先生學又常往來川前外宅質問于九思堂金先生甲申樞衣于大山李先生之門李先生嘗貽書曰志意堅愷見識精審朋儕鮮有能及之者甲戌往洛城歷拜順菴安公安公一見歎賞稱以南州豪傑出示所編東史綱目草本要與商確先生略論十數條公莫不領服嘗以先事訪蔡樊翁于洪州屢日談討

樊翁語人曰聞申某語如吾輩不可謂讀書人幸已應監會時先生文譽藉甚當路者送其子弟請與同事先生據理絕之甲午秋赴寧海東堂試時有親戚為封彌官密遣官僮要賸策單先生切責而卻之密城一知舊送曆日五六件于先生使分呈門內長老傷人欲先擇其尤者先生曰此雖細事大害心術無論好否自用一件可也何必擇取乎丙午李方伯秉模承命廣請道中耆德校正五經百選再三懇要先生寄書于川沙翁論去就之義竟以疾辭已酉李侯弘遠以右文興學為治屬先生以訓課之任先生固辭不獲李侯禮敬備至朔望問安輒有所饋先生使人替謝一不入公門李侯謂鄉人曰申某高尚士也吾當躬往致禮云丁卯金侯相任薦報營門曰本縣申某經術文章足為一方模楷望即啓達收用云云戊辰尹方伯光顏特致問安狀副以節扇先生只以數行語依禮修答及其行鄉飲酒禮時送官吏固邀先生以為非但老病不任遠役為士尚志豈可以方伯之召而駁奔乎遂不赴先生欲於山水佳處

築一小齋為棲息之所庚寅縛茅屋于鳳凰洲上竟以歲侵力屈未畢工而止先府君嘗寓居錦山之陰欲置一亭於東麓未就先生名其遺址曰慕原每有肯構之志大山先生聞而促成之辛丑始築精舍于錦淵之上右室曰主敬齋左室曰集義齋先生常處右齋四壁書四勿六有及古人格言之妙契于心者感朝日皦照之光述窓銘集句手刻為圖揭之東牖傲衛公箴傲之義作座右銘一篇書于左側枕邊西北隅設小屏寫退陶先生聖學十圖常目而日省焉山後一谷有名魚頭屏者先生改曰晦屏因以自號取尚綱闇然之義也先生自此絕意進就潛心經籍閑居靜養隨分藏修一水石一草木無不品題吟弄書衡門考槃二詩于壁上時時諷誦每值良辰清夜月明沙白輒緩步下臺消遙江皋命兒曹誦漁父辭聽之賓友相訪開襟討懷悠然自樂不知老之將至及其晚年望實俱隆士林仰之若靈光焉嘗為水溪洞主洞舊有太乙壇已移泰安郡而遺俗猶存巫覡以歲時擊鼓祈禱先生毀其神堂嚴禁以絕之鄉長

老屬先生行通講禮先生做朱夫子月朔會約草會儀一通已而以事不果行識者恨之已未遭繼妣南夫人喪先生年已七耄不脫經帶饋奠必親哀毀以終三年屢經延異之憾自乙未至庚戌才子二人未冠而歿戊午長子上舍公又不淑先生以理排遣不以存亡傷生上舍公之喪也先生號天一慟曰天喪余又曰亡兒好禮吾當以禮治喪小歿時衿長衣闕先生以平日所著者歛之適姻家致祿一件先生曰化者有知必不自安非得正以斃之道吾不忍也卽命解歛以易之丁未冬命駕沙村溯風作行因有司視之患庚午以後不能辨物時有著述倩手口號辭理俱到麓翁行狀其絕筆也辛未秋姊子趙居讓來候請先生手書數句詩語先生瞋眼濡毫書贈一絕筆法勁古詩格清健其充養之有素可驗矣壬申三月二十八日宿患倅就無一書及家事惟以宗胄之未冠縷縷爲言四月三日戌時易簣于精舍之右室享年八十二以是年六月二十六日葬于下川坊凍谷坤向之原配豐山柳氏通德郎後元女修發先生

玄孫也生一男卽上舍公先生卒繼配順天張氏士人大龍女生三男長仲俱歿季鼎輝上舍公無子以鼎輝之子捷嗣女三適李以王金宗夏姜時欽鼎輝二子皆幼其長爲上舍公後者也先生聰詣卓絕氣質剛毅少從九思翁聞古人爲己之學及登湖上夫子之門專心問學講質疑義心經夜氣章本註之誤中庸戒懼不可偏屬靜之論屢被師門獎許同志長德如后山川沙二公面商書確殆無虛歲於川沙公居在一鄉分契尤密前後往復幾至四五十書至於致曲之說辨論不已務歸至當蓋學之所造者因此而益深矣其爲學也以主敬爲本所居之室扁以主敬靜坐終日不見有惰慢之容嘗以爲敬者聖學之所以成始而成終也自古聖賢持敬淵源論敬旨訣昭在方策而其言散出學者未易徧看遂博攷經傳編崇敬錄二卷其末係以懲省錄以寓警戒之意其用工之方可見於此矣其爲德也少有卞急之病遇事或當過于姪有過失面責不少貸自謂未免太陽之餘證而及其靜養之久經歷之多嚴勵者漸至

和平躁暴者漸至寬緩誨人則諄諄忘倦接人則侃侃有節有不可以一偏稱之也其讀書也自幼嘗留意文章於書無所不覽於文無所不讀自詩書左馬至唐宋諸家及皇明文皆定遍數成誦以至天文地志兵學字書必欲博究廣搜忽自語曰吾儒家計不在於是除去舊習不觀雜書專意於四字心近朱子書心惟口誦字索句求於節要用力最深俯讀仰思如誦己言晚患阿睹至不能視而勉學之心老而彌篤每夜誦易乾坤二卦書洪範詩抑戒禮記儒行篇大學誠正修三章魯論顏再問仁章孟子仁人心牛山章中庸首末二章洛建諸賢大文字數十篇周而復始便作程課辨其音釋正其句讀翫其辭而求其旨非尋摘章句掇拾華藻者之比也其日可見之行則其色莊其言厲其閑居也味爽而起盥櫛衣冠老益自強凡案必正書冊器用必整飲食則匙箸有定數行步則杖屨有常處其祭祀也果菜饗糕之品皆躬自檢看拜跪奠獻極其誠敬不以筋力既衰少懈平生不喜粉筆衣取敝體食取充飢瓢簞屢空人不

能堪而處之裕如也辭受之節斬截不苟人或有所饋遺者必問其所從來處未嘗有一毫非義之取戊午以後婦寡兒弱居養愈失便宜而家門之內常怡怡然其操執之堅樹立之確求之今世實罕其倫矣其著述也則詩文筆札皆有矩法病苦一吟九思翁許以咄咄逼退之金陵詩序鄭公謂之有明儒口氣優餘渾浩齋深宏博末乃以瀛洛之文為歸趣以林下一布衣典山南著作之衡墓道之刻紀行之狀前後相繼既為著崇敬錄以終後學東方邪學之禍將至於滅絕人類而順卷之辨晚谷之論猶未覩破窩窟按伏真藏故特為天學宗旨圖辨使世之迷惑者有所開悟中何嘗不在裏面一句朱子嘗非之已成斷案而近日山南先輩復申南軒之論中和體用之義因此漸悔故著為辨說以破其疑病世之人乾沒名場不明於公私義利之分欲作王霸辨以卞之而未及下手禮說則一遵家禮參互攷訂而答人疑問常變隨宜至若讀書謬錄所載數條無非關世道決疑案之論而通講會儀亦可為學宮援行之定規先祖

遺集刊布已久而年譜尚未完本積歲哀粹費用精力始成一通使為日後繡傳之地族譜草本散無紀叙派系子姓難以攷載又為世牒一冊纖悉無遺俾有所攷据而取信焉雖未得措諸事業有所施設而志趣之正學力之篤豈俗學拘儒所可及哉先生易策前三日已不能言而精神不亂悅中溺器之在傍者必手自覓取於故處粥飲有常度垂涕輒親拭整巾就枕而逝非有平日定力烏能如此世之論先生者但知文章之美而不詳其學問之懿只稱其操守之固而不悉其踐履之實子姪之親切及門者皆已喪逝其言行始終無由考其萬一如小子之後生淺識言語卑弱何足以闡發幽光以圖不朽於來許也茲敢述其大槩如右或有以藉手於當世立言之君子云

上之十四年甲戌五月日三從姪鼎周謹述

二十世諱立仁懼庵公

自戒以貌取人

白鷺窺魚踏秋濤傍人謂閑渠自勞慈烏啞啞繞林梁傍人謂惡渠自孝使我襟裾換羽毛誰是慈烏誰是鷺莫把皮顏妄論人皮顏論之將失真

懼庵銘

并序

嘗為是屋奉先人寢興之所時先人年八十雖以不肖之誠自有不能已者乃敢取魯論喜懼之訓扁之以懼菴越二年先人棄諸孤嗚呼雖欲懼誰為懼身也者父母之遺體也行先父母之遺體敢惰其四肢敢悖其言行敢惡於人敢慢於物是忘其親也羞其親也其敢不夙夜興寐陟降在茲無或不敬以懼其身銘曰

尼父有言子知親年知而不忘喜與懼均喜以其壽懼以其衰哀無餘日事之幾時所以古人必愛日焉寸陰尺璧如將失然昔我將老慕其萬一趨庭及所屢顧西日今也不卒我獨何怙偃仰將息矍矍靡處子之有身父母遺體體受歸全曾氏之啓彼狂罔念動虧其行自暴自肆不慎不敬陰邪猜嫉暑親辱先

人唾鬼泣爾胡不悛我鑑于此心焉自粟不冰而寒不火而熱一跬一步洞洞屬屬如集于木如臨于谷一言一動戰戰兢兢如履虎尾如履春冰念茲在茲須臾顛沛同我伯仲罔敢或怠於斯有得庶幾無忝矧是堂室陟降有儼夙夜對越存亡無間爰作銘詩以詔自勸

二十一世諱鼎沃以餘公

墓誌銘 并序

君諱鼎沃字悅卿姓申氏其先鵝洲人也上世多聞人至諱之悌號梧峰密直學士 贈小冢宰以學行祭于社子諱弘望正言號孤松是為君六七世祖祖諱道三生員考諱重仁俱有文行妣長水黃氏翼成公喜後道重女以 英廟辛酉生 正考癸卯沒葬于所居聞韶縣佳道谷先兆已向原君資清粹性謹厚嚴重九歲失怙毀如成人學於堂父錦淵處士體仁在側不少離惟教是從事毋無違志母嘗病眼煎泣夢有人告當齋覺而求試之即效人稱孝感焉日

晨起拜廟篤愛弟妹妹病瘧吮之得良已業功令屢舉鄉解竟不利嘗於成童時赴藝會一場擾擾不定君獨凝坐移日家居猝有同閭牽連事被官守者持之急吏卒盈庭見君嚴臨容不敢犯已而守聞君有志節輒摧謝隣有橫罹於殺獄者隻黨與尸入其家大噪君召其魁諭使和衆皆服散常存言語不輕發聞規責輒屈已虛受詩文及筆札斐然多可觀絕無矜衒意博通古今喜論前世英雄豪傑出處得失國家治亂興亡若指諸掌於諸葛武侯房杜韓富諸人尤想慕而欲追軌之服膺經訓以道義為準取餘力則以學文之意自號以餘居家處鄉制行修飭妻奴不威而憚朋儕不狎而敬蓋其抱負不少有匡時之志有適用之才有不挫之氣而不得一試於世竟以布衣四十三而終嗚呼惜哉配韓山李氏敬和女一男祖應二女姜長欽金良鏡祖應嗣子熙穆一女未笄長欽二男胄永一幼二女柳孝祚一幼良鏡一男一女并幼君自少有名稱余聞而偉之歲丁酉嘗歷見君於其第則容貌辭令之間胷中之所存亦可知

尋常愛重而期待之者甚不淺今見錦洲所撰誄與表益詳其事蹟遂書此以誌其墓略寓悼惜之意云銘曰鵝之申代有聞梧峰孫又如君杞可材委於壑玉不剖藏於璞并其年亦不長舛厥報柰彼蒼佳之谷君所封銘詔後垂無窮

通訓大夫前行司憲府掌令晉陽鄭宗魯撰

二十一世諱鼎梅龜窩公

家狀

公諱鼎梅字若和姓申氏鵝洲人初諱伯翰字周彥鼻祖諱允濡勝國時版圖判書子諱祐官按廉使厥後九世有諱某承旨 贈吏曹叅判號梧峰有諱某正言號孤松於公為七世祖高祖諱叔範曾祖諱復龜祖諱道天世居義城之龜湖考諱宅仁妣全義李氏成均進士臨厚之女公以 英宗壬戌某月日生有異資眉眼如畫肌肉玉雪如也公之王考處士公嘗稱之曰此兒必張吾家者也年未十歲才思出人志尚超邁族父晦屏公甚奇愛之請引去教養公

始受小學書讀未半已自惕然反省必欲以身體而力行之晦屏公深加嘉歎朝夕牖導自日用事親敬長之節至於天人性命之說大而古今聖賢旨訣小而詩文詞章體裁皆指陳開示靡不纖悉公即篤信師訓低心聽受弱冠時已斐然成就公性至孝每親癢不脫衣帶而養歲辛卯先府君患泄痢彌留屢月漸至危就公輒嘗糞甜苦末乃斷指出血以注之先府君絕而復甦如是者五六日及遭艱公叫叩拚擗幾不自保是年冬母夫人又患劇疾家素貧喪威之餘無以供醕粥公曳衰扶病致養無方有足感動人者母夫人疾得已公亦無恙公資性清介雖窮窶患難之際辭受不少苟當先府君疾革時鄉人送雞數十首以資療救至喪已出矣公以為餽病之物不可受於喪出之後即因來使奉還觀此一事可知公之平生也顧家業廓落涸瀆不繼癸巳遂奉板輿就食于丹城之丹溪里丹即公之婦家也距龜湖三百餘里公落拓殊鄉年齡尚晏素忌西疾怵迫靡遑而然猶不變未嘗有戚戚意看書詠詩怡然自娛只以離

墳墓遠鄉關為終身恨回首北望每起首邱之思做古人蜀舍故事名其室曰龜窩又移揭先王考堂扁雙碧堂三大字及亭亭舊號於壁上手植碧梧雙幹於庭以實命名之義焉甲辰丁母夫人憂公號哭終日頓絕方蘇蓋以旅土巨創至痛愈切故也公常患阿睹不便看讀中廢舉子業晚喜朱子書常潛心玩究又手書朱子年譜一部坐則披行則裹不暫移於身平居必闔眼端坐儼然若思積累頤養幾三十餘歲是以司視之病久若自明羸弱之質稍向精強忽以所忌之疾歿于龜窩實周甲壬戌之二月十五日也以其年四月九日葬于先夫人墓下從遺志也公儀容皎潔氣像從容天資近道加以師教若使不為飢寒窮厄所困而得大肆力於向上事業則材成德美豈但終於此而已也門衰運蹇有志未遂青年孤露白首沈埋嗚呼惜哉公嘗語人曰貧者士常士若以貧賤為恥則其餘無足觀矣至於昏姻論財非士君子之道也時順庵安公之從弟鼎祿氏亦僑居于丹流落清寒與公同儔公即請結媾安公許之遂

以女妻公之長子儁庵李公寄書于公曰昏雖不賀而為左右不得不賀也宗兄以餘公贈詩曰兩窮昏娶有新奇公之操守不俗蓋如是矣又語子弟曰祭祀之需稱家有無但當致其如在之誠然三獻不備則童幼無以識其儀節雖或代以玄酒使兒曹習而知之可也又常曰人雖毀己已不毀人則其毀自止古人曰止謗莫如自修此格言也汝曹其體之其在丹時身不妄動人不妄交不揚人之過不論人之短胷中無些兒碍滯愁鬱無聊之極輒吟詩遣懷遇佳山水或盡日忘返灑然有志士風味故南州賢士大夫無不樂與交往來唱酬殆無虛時及其葬也親友會臨者數百人誄詞多至五六十篇而至或比擬於陋巷簞瓢若非公固寤安貧不以羈旅而少改安得終始無斁永保一方之令譽哉公娶晉陽柳氏士人鳴鳳女貞淑端惠克修閨範今年六十六有二子長祖榮次祖祐祖榮有一子未冠祖祐有四子長升運第三子金文入承宗祀餘皆幼公所著有詩札若干卷祖榮方蒐輯繕寫名曰龜窩遺稿嗚呼公之歿有

年晦屏公已誌其墓而序其稿矣祖榮又請余修錄家狀如少弟不佞何敢容
議於其間而榮之請甚懇不得以終辭謹述其行實如右以竣秉筆之採擇焉
上之六年乙丑上元日族少弟鼎周謹錄

二十一世諱鼎周陶窩公

憶弟

鴻雁共北徂紫荊花滿枝物亦有兄弟而我獨何為念君情如割看雲涕漣洏
孤鴻寄窮閭誰復問寒飢星霜儻一周往事生萬悲傷心陟岡篇痛哭常棣詩
花下血成碧空山聽子規

夜與丈朴諸族拈韻共賦

訪金魯建四路作按紀行明日時別別意蒼然
中夜挑燈拈韻云去即丁丑三月初五日夜也

一樹花前十世親罇筵談笑惜良辰莫教燈下羣昏睡纔過今宵遠別人

與稷谷宗中

伏惟霜令僉履鴻重貴派派譜非鄙等之所欲預知其中竹隱從大父所著花

田家牒序刊以族譜序者尤有所大未安處僉尊何不量之至此也世道漸乖
事變層生數世之後必有籍重貽累之患幸所刊二板隨印本拔送如何此與
尋常事自別無至漸生支節切望

墓碣銘

并序

先生諱鼎周字景伯號陶窩姓申氏貫鵝洲高麗版圖判書允濡之後入我鮮
有承旨 贈叅判梧峰先生之悌正言孤松公弘望於公間六七世高祖叔簞
曾祖聖龜號東舉祖道潑號靜旅考種仁妣一善金氏久庵就文後期大女夢
見大星入錦裾有脈而生公眉眼炯明才思聰悟學語便識字聞他兒讀豫讓
史問曰讓既為啞則何以有讓曰云云也嘗於春日靜旅公命綴字公應口對
曰春為萬物父母命以夏蒞綴句對曰形圓象天結子如星可以薦廟可以供
賓始受十九史曰天皇地皇非人也乃天地也至人皇方是人也此皆齟齬時
事也未成童遍讀經史年十七請學于族父晦屏公屏翁著崇敬錄以教之公

受而服膺平居端坐終日未見其怠慢座右書窮不失義四字常目以自警焉
乙巳丁外憂時靜旅公尚在堂公守制甚苦而務在寬譬重闡未嘗以懼梅狀
侍側癸丑丁靜旅翁憂丁巳雲谷李相公自京還歷訪公以十六字奇僻語問
其出處於公公舉誦全文李公歎曰此 殿策中語而廷僚莫有知者今公應
對無滯當此 聖明之時以若博雅空老草澤豈非世道之恨耶是歲遭內艱
荐罹凶矜易戚兩至戊辰季公遺孺不起凡藥餌扶將襲歛諸節躬檢無遺人
多危之而竟得無故人比之以庾袞故事治功令文屢捷鄉解竟不利於禮闈
命也甲子醵謁立齋鄭先生上十條問目而特蒙獎詔仍與同門賢碩麗澤相
資結以道義交自後益謝絕外慕專心向裏博極羣書如河海之濔濔辨析理
義入絲毫之細微不徒為口耳之資而體驗于身心日用之間風流疎雅氣像
樂易亦復致力於林下事功撰所居龜庄誌自梧峰以下道學文章科宦升沉
亭臺廢興歷歷指陳成一部敦史洪木齋麗史鄭瑄麓文集刊行皆公之所訂
整也屏谷先生所撰古今沿革圖或不免疏略與雙湖權公往復商論改補為
一圖每詩書暇日登山臨水踈暢其襟靈如清州之名勝俗離周房陶淵竹雋
皆杖屨題詠之所暨也丁亥五月二十五日終于寢今縣西鳳陽面錦山庚坐原
其衣烏之藏也配金海金氏元默女生三男崧程森一女適柳懿睦崧男熙聖
女適金大善鄭禧烈李文祚曾玄以下不錄而今來請銘者先生玄孫鍾韶甫
及傷孫光洛甫也銘曰淹貫百家而歸宿于洛閩懋修百行而本之以彝倫允
為梧翁松翁之肖孫夫何外至窮達之足論疇敢不敬君子之墳

永嘉后人權相圭謹撰

湖西紀行錄撮要

丁丑

即純祖丁丑也一丁丑也一丁丑也一丁丑也一丁丑也

二月

門議

以攷譜事定送二頁于湖

中世余與學能致教宗兄

孫即賴齋派機溪公后

當其行以蓋吾鵝洲之申以自

戶長公美

以上

譜牒

失傳

世傳以為鵝洲

與平山以同出於壯節

公而無信蹟可據謂曾聞公州金魯定家以有萬姓譜謂山南士友一多有就攷者謂校村持憲成之兄謂為栗峰丞時謂欲一往見而未果謂前年冬初謂清州梨亭居族叔克祚氏來示攷出譜本曰此一金家所藏氏族源流外姓苑叢錄中所載也謂壯節公十三世孫侍郎公謂始封鵝洲君謂子孫謂因以為貫云謂戶長公以下官銜配位一皆世牒所未有謂其他有證謂亦多可信而慎重之道謂不可無明的考見之行故謂是月旬間謂剋期啓程謂時謂自公州謂寓居禮山云矣謂十三日丁亥謂因事入藏院宿謂十四日謂雨謂又宿謂十五日己丑謂雨止謂朝後謂歸家則學能兄父子一來待移時矣謂午後謂治發至桃李院謂雨不克行謂十九日謂到文博村謂二十日謂留聖範家謂二十一日謂與族叔大祚謂偕往松谷謂族叔會祚氏宅謂止宿謂松谷謂即三孝子遺墟也謂二十四日謂與聖範謂偕發謂二十七日路上謂遇素冠者謂問金所居則言冬末謂移居定山云謂不覺惘然謂抵禮山馬山店

問之則或以為定山謂或以為青陽謂無由的知謂至下村謂始聞還泊于公州甲坡故居謂二十八日謂行抵金家謂即甲坡下谷松峴下嘉興里也謂金謂時以晬日謂方有外賓謂聖範謂先入謂俄而謂要余兩人坐夾室謂寒暄訖謂余謂具道所以遠來之故謂金謂曰前既攷去謂何必復來謂余曰所攷謂雖若可信而在我道理謂必欲親見故謂來耳謂學能謂曰老人謂攷出先譜謂已極可感謂願更示信蹟謂以破疑悔謂金謂出姓苑叢錄氏族源流二冊曰吾謂少時謂留意譜學謂慶州金氏修譜時謂適當任員謂王大妣命廣搜譜書謂窮源溯本謂無一遺闕謂八年之間謂秘籍謂咸出謂吾謂乘隙繕寫謂積成卷帙謂自以為吾東方所未有之文字謂故謂前後失譜之家攷問者謂相繼謂或以幣物謂頗致厚禮云謂余謂取攷之則蓋與前所騰來者謂有數段相左處謂願聖範曰此果昔日所見者乎謂聖範曰然謂余謂指言其可疑之證曰此必有原本謂請出示之謂金謂曰家有

麗籍百餘卷及野乘一帙而今吾尚病_且適有客擾_且從後復來似好_且清州
 有貴宗人_且且吾_一近欲作省營行_且當因便書付矣_且余_一曰今此遠
 來_且所重_且在此_且一席之間_且不得詳攷而千里再來_且其可必乎_且清州
 之於仙庄_且二百餘里_且省營之行_且老人_且未必辦得_且若又定後期而去
 則吾輩_一為何人哉_且鄙家先系之分派處_且不見信蹟則雖留一月_且
 期於必得而後已_且願主人_且曲察此意_且一一開示_且千萬之望_且金_且
 曰今日_且實難攷出_且姑待明日_且何如_且學能_且曰事勢似然_且當依尊言
 曰余_一使聖範_且進紙束果貼四百泉文曰族貧路遠_且物不稱情_且略備
 老人_一供之資_且金_且辭謝數語_且然_且觀其辭色_且顯有持難退託之意
 誠可恠也_且余與學能_且遍見其書之凡例規模則源流_一本趙仲耘所輯
 而最為詳悉_且羅麗以後_且至_且本朝世文朝_且名家巨闕_且并得昭載_且至
 於配卷忌_且或書或不書而事實詩律_且并多可据_且其他新所聞見者

_{是皆細錄族書_且有科儒類聚丹樣_且其平生用工費力_且亦自不少_且任敬}
 昌所編姓苑則與源流_且同例而詳略_且或殊_且新舊相雜_且所記分派_一問
 錄_且甚多_且非精審者_且不可攷也_且金_且隨問隨示_且應酬無滯_且其才
 品記性_且可謂出人_且以此觀之則先譜_一似無不信之理矣_且甫後_且出定
 館于新坐酒店金別將家_且止宿_且夕時_且大邱無怠具氏一老一少_一亦以
 攷譜事_且自水原來_且今具氏譜云_且亦於金處_且是日_且行二十里_且夜_且
 微雨_且二十九日晦_且晴_且早朝後_且復往金家則金_且出示萬姓譜_一母曰
 此_且星州李淳所錄也_且觀其所錄先譜_且別無加詳而惟野乘一條_一
 餘字_一前所未見者_且余_一曰此則源流之支裔_且姓苑之重出_且不必更攷
 吾輩所欲見者_且專在於分派承繼處_且請示麗籍及野乘_且如何_且金_且
 曰野乘則_且本朝事蹟_且多所忌諱_且吾雖抵死_且不可煩人眼目_且所藏
 麗籍_且篇帙_且浩穰_且非一二日可攷_且老病精力_且何以堪任_且尊_且必

欲久留則當歿吾之墓木拱矣其言漸詭尤不滿人意余舍忍遜謝曰主人一生精力都在於此此非為他人地實博聞多識之一端也倘賜容暇俾得明据則吾輩之感鑄為如何哉若一向靳示只以姑待為辭則此與初不知譜學者何以異願出示之金曰吾之輯錄此書追入過半書法不同故人多疑之或以為即地暗記者然稱為士子豈有初成他家譜牒欺人以自銜乎前此有湖南人持厚幣來嶺中來攷者相繼因感言某人是致某物某家是遺某件云云蓋其家貧甚以此為生計之資也余笑曰主人以死自矢吾輩不欲復請請詳攷先配本譜金拈示之其墨蹟多所新書或有不相合處余問曰此等處何以如此金曰此恐傳寫之誤且家家派譜散見迭書何可一一相符耶吾早晚欲往嶺營倩人騰出一本當委書於尊與之攷訂吾言實

非托辭也余曰若爾則吾亦不辭然老人之行安保其果如所言耶金笑曰必不然必不然余謂學能曰吾輩不遠百舍之地踰嶺而來不見信蹟而歸可謂得先靈貽笑儕流實非所望於主人翁者也一出此門為得無介然底心耶遂揖而出聖範曰何不少俟余曰君以為其家真有野乘麗籍乎吾則以為無有聖範曰何以知之余曰恭愍之時紅巾焚掠松京倭奴歲侵江都五百年典章蕩燼無遺麗籍豈有全存之理吾見源流一書即一麗籍假使有之既非鐵券口帳則其致疑也亦不可謂之十分可信矣所謂野乘則革命之初開局寇輯稗史瑣言無隱不顯於是有東國通鑑有麗史綱目馬有俞市南提綱有鄭河東紀傳馬其他雖或有一部秘書藏在内閣者金也其能盡見而私置之乎且名為野乘則其載想必生卒事實而已若配墓忌日史家何故

以錄也一曰他既以死為言則雖留一年必無出示之時曰滯留旅店
 奚益之有哉以余所見是金也以性苑源流二書且作憑信之資致他
 幣物特此為生且隱然若有古今奇異之蹟非卒遽可見誘人惑聽
 輒言復來以彼無識之人以為信然轉相播告遠近畢至此則自
 家前後良計指無謂有正似佩鐵地師索價尋穴者然其真藏杜機
 吾已覩得矣然則今此所攷先譜一僥信者多不可因其所不見者
 而并疑其所見也則吾輩當置之傳疑之例以待後人之學能以為何如
 學能曰吾意誠然矣聖範曰兄言有理相與一濠
 晚後發還五過酒店六渡川橋至明堂洞前學能曰金別將
 言李監役家亦有萬姓譜往見可也遂與余同至明堂洞監
 役已沒其子喪人出示所藏譜本遠代則初無可徵近世則比
 彼尤詳矣李即草廬公惟泰之後孫而年少可愛之言金也終始隱秘

而實無他信蹟云自三月朔日略十三日歸家日向夕矣大槩今行
 出於不獲已之事而所攷先譜將信猶疑當與兩派且合議鄭重處
 之所行凡一千九十里是歲三月之望書于龜洞之陶窩之
 攷閱金魯定家所藏萬姓譜傳疑

鵝洲申氏攷譜錄

平山申氏其先谷城人後賜郡平山見湖源錄一云氏族源流

申崇謙 <small>慶朝開國功臣壯節公初諱能山</small>	子甫藏 <small>壁上功臣</small>	子弘尚 <small>壁上功臣</small>	子晟 <small>直提學本譜無</small>	子勤 <small>太子太保</small>	子愈毗 <small>承旨同正</small>
子命夫 <small>承旨同正</small>	子應時 <small>版圖判書</small>	子令材 <small>都官直郎</small>	子禎 <small>兵部郎中</small>	子衍 <small>都官直郎</small>	子淑 <small>左僕射</small>
子益保 <small>右僕射平山君</small>					
益休					

侍郎以軍功封鵝洲君

申淑

見平山譜

子祐

接廉使

鵝州申氏

巨濟屬縣 見同上

子益休

鵝州君

子光富

子英美

太師

子士廉

子晉升

令同正

○元祿

子得昌

散員

子侂

承旨

子元儒

版判

子適道

達道

悅道

光貴

父元儒

勉

女吉再

海平人治隱

鵝州申氏

巨濟屬縣 見姓苑 萬姓譜

子益保

平山君 見同上

萬姓譜

子益休

金紫光祿大夫門下侍郎以軍功封鵝州君子孫因以為貫

子英美

檢校太子太師 配密城郡夫人朴氏典法判書育權租保勝將軍奇胤曾祖典客令商正元光外租竹山朴有章墓或城配附下

子晉升

都承署令 配金海金氏父平章事珣祖上洛君時興曾祖主簿同正胤祺墓地浦盧幕洞午坐配合利附下

子得昌

散員同正 配晉州鄭氏父判事安 校租文科洪旦曾祖太子詹事仲紹墓上同配附下

子元儒

版圖判書 配全州崔氏 萬姓譜同 墓上同合慶附下

子得安

初名留安今同正子守令同正子弘判書配蔚州朴氏移女子仁甫恭愍庚子文科字令鄭圃隱禧下時年三十七 國朝榜目同

女具藝

後城人河城府院君父綱

子祐

司憲府掌令全羅道接廉使疏退齋 國初屢傲不起 墓蛇浦忠乙丑十二月二十日

子光富

軍器主簿 配益城金氏父判官安道

子士廉

彥陽縣監 以下見萬姓譜 配安東權氏判事忠女

子錫命

生員 配靈光下次司直有倫女

子俊禎

配延安米氏縣監源女

子壽

配義興朴氏有檢女

配若木柳氏父韓山郡事益貞 墓合祠萬姓譜

子光貴

子希信

子乾

子始生

子介甫

鵝州世狀傳終下

陶高公

致譜傳疑顯末

作崑山居
海東野乘曰公有濟
龍舊誼 國初以刑判
徽不就

司僕金正知鳳州事軍
器考正

配順興安氏父判事巨
鼎祖合同正台佐曾祖

再陽郵守
配密城朴氏父進士繼
興祖進士致明曾祖判
事妻墓上同配稱

內禁衛
配全丹李氏父萬戶承
衍祖司評府墓上同配
附 萬姓譜后配懷川
黃氏護軍居諱女

司勇
配安東金氏縣監三近
女

司直

子勉

女吉再

十郎將

海平人治德

按金魯定家以所攷以氏族源流姓苑叢錄萬姓譜等書以皆以為鵝洲氏
出有平山以世次承繼一昭然可据而平山譜以既不載分派處以又無
他信籍參證故以不敢連系直書以姑特著卷端以以跡傳疑之例以至於
鵝洲譜則一依家牒舊本以以長公以為始祖而配位墓所官銜之見於他
書者以悉付別錄以為異日更攷之地云爾以右出陶窩公手書編撰

附乙巳修譜時更攷錄

陶窩翁攷譜後百四十年丁酉鵝平合譜之
既盛行故謹遵陶窩翁更攷遺意更為更攷如左

鵝平上系互照圖說

始祖 鵝洲中氏 申英美	子晉升	子得昌	子允濡	子祐	子仲明	子君平
始祖 平山申氏 申崇謙		十一世孫	高麗 忠烈王六年 庚辰 除版圖判書	衍 <small>淑字親伯</small>	配某氏 元宗四年癸 亥生	
				淑	子仲立	
					子仲周	
					子益保	
					子益休	

謹按若以英字美承繼於益字休之下則是乃親伯氏長子婦以年
十八以其歲以親季氏已於季子家以六世孫以生而長而除版圖判書也

果有是理乎

高麗	元宗四年癸亥	十四年癸酉	十九年癸巳	廿九年癸卯	五年癸丑	十年癸酉	二十年癸卯	三十年癸酉	四十年癸卯
	五年甲子	十五年甲戌	廿五年甲午	卅五年甲辰	五年甲寅	十年甲申	二十年甲寅	三十年甲申	四十年甲寅
	六年乙丑	十六年乙亥	廿六年乙未	卅六年乙巳	六年乙卯	十六年乙酉	廿六年乙卯	卅六年乙酉	四十六年乙卯
	七年丙寅	十七年丙子	廿七年丙申	卅七年丙午	七年丙辰	十七年丙戌	廿七年丙辰	卅七年丙戌	四十七年丙辰
	八年丁卯	十八年丁丑	廿八年丁酉	卅八年丁未	八年丁巳	十八年丁亥	廿八年丁巳	卅八年丁亥	四十八年丁巳
	九年戊辰	十九年戊寅	廿九年戊戌	卅九年戊申	九年戊午	十九年戊子	廿九年戊辰	卅九年戊戌	四十九年戊辰
	十年己巳	二十年己卯	卅年己酉	卅四年己未	十年己巳	二十年己亥	卅年己巳	卅四年己亥	四十四年己巳
	十一年庚午	廿一年庚辰	卅一年庚戌	卅五年庚申	十一年庚午	廿一年庚子	卅一年庚辰	卅五年庚戌	四十五年庚辰
	十二年辛未	廿二年辛巳	卅二年辛亥	卅六年辛酉	十二年辛未	廿二年辛亥	卅二年辛巳	卅六年辛亥	四十六年辛巳
	十三年壬申	廿三年壬午	卅三年壬子	卅七年壬戌	十三年壬申	廿三年壬寅	卅三年壬辰	卅七年壬戌	四十七年壬辰

申君平傳

此傳在出世宗朝工曹判書集賢殿大提學鄭麟趾高麗
 申君平 平州人 登第忠肅朝 為臺官 時 賂權貴得官者 幾百餘
 有崔琬者 嘗匿父喪 赴舉後 中第 為水州參軍 有穢聲 為同
 榜所斥 倚權豪 為成均學錄 君平 皆不署告身 又不署政丞 姜
 融 贊成蔡河中 懷義君崔老星 左代言曹莘卿 元尹申時用 持平
 尹賢告身 以故 見忤罷 朝野 惜之 翌日 掌令朴元桂 署之 人
 譏其去 恭愍元年 授羅州牧使 時 母年九十 嬰疾

君平 牢辭不赴 四年 拜左代言 王 命罷義成倉官全以道 禹攸

吉斗 德泉倉官崔云固 申天命 未幾 攸吉 拜典密寺丞 攸吉

君平 友婿也 以道等 頗有言 君平 惡之 白王 收除目 抹攸

吉名 後 王 欲授僧職 召君平 方直宿 辭以疾 後 拜御

史大夫

東史纂要

此三出鵠洲申氏家家牒及成申譜
 乙亥譜丁丑譜中不勝枚舉

高麗忠烈王六年庚辰 拜左代言 王 命罷義成倉官全以道 禹攸

以左承宣申允濡 為版圖判書兼軍器寺別檢校事 夏六月丙申 元皇

帝 以東國所上表 語涉不敬 詔徵撰表人 撰表人 皆以計

避之 不欲行 版圖判書申允濡 進啓 其略 曰 伏以方今國事 可

謂無可為 已 凡為臣者 不避夷險 以循王職 是固其分也 今廷

臣 當彼元困我之日 鼠畏狼顧 爭自謀回 思全身若千金之重 志

鵠洲世狀

陶高公

政譜傳疑類末

為國如弊屣之賤也終無一人臨難者也如是而國將何保也臣等請斬其輕
 國愛身之輩也以屬其餘也丞擇遣能事專對之人也使不生患也幸甚也
 於是也命下集賢殿提學柳得從或作從韶等四人于獄也七月甲子也遣政堂文
 學李英仁或作英魏元凱等也赴京師也
 謹按以二條國史也互相參照則高麗忠烈王六年庚辰也仲字明字配位
 其年正月也為判書也判書也長官也也雖云早達也可知矣也允字濡字於
 歲乎也四五十餘歲則豈不長仲字明字數十歲乎也長仲字明字數十歲
 則豈不與衍字且也為年輩乎也與衍字且也為年輩則豈不與淑字且也為年輩
 乎也與淑字且也為年輩則淑字之子益字休字豈不與允字濡字之子祐
 乎也為年輩乎也益字休字既與祐字且也為年輩則緣何以父道也推戴於
 祐字且也高祖也英字美字之上乎也

再更攷錄

鵝平上系互照圖說第二

始祖 鵝州申氏 申美美	子晉升	子得昌	子允濡	子祐	子光富
始祖 耳山申氏 申崇謙	八世孫令材	子禡	子衍	子仲明	子君平
		子淑	子益休		

高麗忠烈王九年癸未八月生二十中司馬
高麗忠烈王八年壬午生

按廉府君諱祐字以生年攷證

十六世孫濠辰以手筆家牒也有按廉府君也癸未八月也生也二十也中司
 馬也十五世孫冕禹以手筆家牒也亦然也十六世孫錫祐以手筆家牒也
 亦同也十七世孫祖舜以手筆家牒也及忠清道保寧宗人所藏家牒也皆然
 以十六世孫漢胄家也傳守也護軍職牒也考之則忠烈王九年癸未也也